

ELIYA NA MUSUMO

WA VHUKHOPFU

 Oo, naa izwo a si ngoho! "Murena, ndi a ḥanganedza." Ḫanganedzani mini? Pfulufhedziso iñwe na iñwe ye A ita, ndi yanga.

² Zwino, phanda ha musi ri tshi dzula, kha ri kotamise zwifhaṭuwo zwashu lwa tshikhathinyana uri ndi songo hangwa u rabelela idzi sagaduku hafha.

³ Murena washu, ri a U livhuwa madekwana a ḥamusi nga nthani ha dzinyimbo dza Tsioni, ngauri Mafhungo-mađifha a kale a no ḥanzwa mbilu dzashu kha vhuvhi, huno, ngauri, pfulufhedziso dza tshilidzi nga maandesa Bivhilini ndi dzashu. Nga lutendo ri a dzi ḥanganedza. Huno ri a zwi ḫivha uri Mudzimu ha ḥonifhi muthu. Huno kha murafho we Paulo a tshila khawo, vhatu...vhanzhi vho vha vha tshi khou lwala. Vho mu disela zwisagaduku, dzifasikoti, uri a kone u zwi vhea muvhilini wawe, huno zwenezwo vha ḫzhia u bva kha muvhili wawe u ya kha vhalwadze na vha thupheaho. Huno Marialo a ri vhudza uri mimuya i songo kunaho yo bva kha vhatu na mathupho zwa vha ḥutshela nga nthani ha lutendo lwavho kha Murena Yesu. Mudzimu, Paulo o tuwa lwa miñwaha ya zwigidi zwivhili, kha Vhuhone Hau. Ûyo murafho wo fhira nae, fhedzi U Mudzimu wa murafho muñwe na muñwe. Zwino vhatu, madekwana a ḥamusi, vho tenda kha Iwe nahone ri khou kumedzela kha Iwe, madekwana a ḥamusi, idzi sagaduku na phasela ḥukhu dza thundu, huno ri tshi tenda nga mbilu dzashu dzothe uri U do fhindula thabelo yashu nahone vha do fhodzwa. Zwi tendele, Murena. Ri zwi rumela khavho u itela vhugala ha Mudzimu, nga Dzina la Yesu, Murwa Wawe. Amen.

⁴ Ni nga dzula. Huno havho vhe vha vhea hezwi nthia vha nga da vha zwi dzhiya nga u ḥavhanya nga murahu ha u valiwa ha tshumelo.

⁵ Ndo takala nga maanda madekwana a ḥamusi. Ndo vha ndi nnda u buđekanya thavha heneffo ḥamusi zwenezwo ndi tshi tou fhedza nga mivhudzisano ine nda tea u vha nayo, huno nda ya u rabela. Huno tshifhinga tshothe ndi tshi dzhena kha heli soga lifhisaho zwi tou nnyita uri ndi tođe u vhuya murahu hafhu. Fhedzi tshithu tshithihi tshine nda takala nga hatsho madekwana a ḥamusi, mufumakadzi wanga...vhunga ro vha rothe tshifhinga tshinzhi, huno o vhona mabono mahulwane a Mudzimu a tshi vhonadzwa nahone a khunyelela. O vha e fhasi mulamboni nga ilo ḫuvha ngei Jeffersonville musi Muruñwa wa

Murena a tshi ita u bvelela Hawe ha u thoma, ho vha ho dala kha Associated Press u buda na lushaka. Zwo no vha . . . ho vha hu 1933. O vha o ima heneffo, fhedzi a pfa Ipfi fhedzi ho ngo vhona Tshedza. Gai, na vha fodi vha gurannda vho vhona Tshedza. Fhedzi o vha e muswa tshothe tshifhingani itsho, nahone e na minwaha i no ṭodou swika ya fumimbili nga vhukale, huno na khathihi ho ngo vhona Tshedza. O vha a tshi khou sedza vhathu, vhanzhi vho vha vha tshi khou dzidzhivala. Huno tsho tou dzula heneffo lwa miniti muthihi fhedzi huno zwenezwo tsha humela murahu thwii ngomu lutomboni hafhu. Huno gurannda dza vhea lianetshelwa likulwane, “Tshedza tshi mangadzaho tsho bvelela kha—kha mushumeli wa heneffo wa Baphuthisi musi a tshi khou lovhedza.” Zwa ya ndilani yothe u swika Canada, zwa swika kha nyandadzamafhungo ya Canada.

⁶ Huno zwenezwo kha minwaha i no ṭodou swika miraru kana mina yo fhiraho, musi ndo vha ndi ngei Phoenix tshifhingani tsho fhiraho, Ndi a tenda ho vha hu Mukomana Jack Moore we a vha e na nn̄e, uri o nga u . . . Mufumakadzi wanga u na nyofho nga maanda. Huno zwenezwo a mu vhidza kha pulatifomo, zwi songo lavhelelea, huno a nga u ya dzidzhivala. Huno a da nga murahu ha musi ndo no di swika kha pulatifomo, huno ndodzo yo vha i heneffo ya tshumelo ya phodzo. Huno, a ri, lwa u thoma o vha e kha uvho Vhuhone heneffo nga u ralo. Huno, vhusiku ha mbamulovha, a Mu vhona kha pulatifomo, lwa u tou thoma musi a tshi Mu vhona, musi A fhano o ima kha pulatifomo. Huno musi ndi tshi ṭangana nae nn̄da o . . . miṭodzi yo vha i maṭoni awe, huno a ri, “Billy, lwa u tou thoma vhatshiloni hanga, ndo I vhona.” A ri, “Ndi . . . no vha ni tshi khou rabelela musadzi, huno” ha pfi “Ndo Tshi vhona tshi tshi tou da heneffo phanda hawe huno tsha ima heneffo lwa tshikhalanyana tshi si gathi, tsha mona hothe he wa vha u hone. Huno zwenezwo, nga u ṭavhanya ni tshi ima u amba, Tsha ṭuwa.” Ngauralo ndo takalela hezwo, zwauri Tsho da phanda ha maṭo awe. Ni a vhona, uyo mufumakadzi mutuku u na zwinzhi zwine a tea u fhira khazwo, huno ngauralo ndo takala na u zwi takalela.

⁷ Zwino, vhusiku ha matshelo ndi tshumelo ya phodzo. Ni a divha, ro vha ri tshi khou amba ino vhege uri tshumelo dza phodzo dzi do da vhusiku ha ḥavhuṭanu. Zwino, idani matshelo nga masiari kana—kana nga madekwana, i tshi ṭodou rwa awara ya rathi n̄tha ha tshithoma, ngauralo ni nga si thithise tshumelo yothe. Huno Billy, Leo, Gene na vhanwe, vha do vha vhe fhano na garaṭa dza thabelo, u ni nea garaṭa ya thabelo. Izwo ndi musi ri tshi disa vhathu kha pulatifomo huno ra vha rabelela. Zwino ri . . . ndi . . . ndi tea u hwala miṭangano ya Amerika nga ndila ye vhathu vha funzwa ngayo, vho vhewa zwanda. Zwino, ulwo ndi—ulwo ndi Luṇwalo, fhedzi ayo ndi maitele a Vhayuda. Izwo a si zwa Vhannda, fhedzi Vhannda vha zwi hwala. Wannda o vha, “A tho ngo fanela uri U de fhasi ha ṭhangā yanga, itou amba

Ipfi na mulanda wanga u do tshila.” Ndi zwone. Fhedzi Muyuda, “Ida u vheye zwanda zwa kha nwananyana wanga huno u do tshila.” Ni a vhona, ayo o vha a maitele avho, zwo vha zwi si zwa Vhannda.

⁸ Vhusiku na vhusiku, na awara na awara, nga masiari na vhusiku, wone Muya Mukhethwa wa da, a tshi khou dzumbulula, a tshi khou fhira nga kha tshifhaṭo, a tshi amba zwiphiri zwa dzimbiļu. Ni a zwi vhona tshifhinga tshoṭhe. Izwo ndi u ni ḥivhadza uri Vhuhone ha Murena vhu fhano. Zwino, arali ni tshi nga tou Vhu ḥanganedza, ni do fhola nga tshenetsho tshifhinga. Ngauri phodzo yoṭhe ine ya do itelwa inwi, yo no fhela, zwo itea lwa miñwaha ya madana a fumiṭahe. U tshidzwa hoṭhe hune na do vhuya na hu ḥanganedza, ho no badelwa kale, ndi hanu ha u tou zwi ḥanganedza. Zwo no vha miñwaha ya madana a fumiṭahe, kana yo engedzeaho, u bva tshee zwa vha tshidzo kha inwi. Fhedzi zwino ni dzhiele nzhele nne kha miṭangano, ndi ri, “Naa zwi do ni ita uri ni tende?” Ni a vhona, zwiga na zwimangadzo a si zwa phodzo kana tshidzo, fhedzi ndi u tendela vhathu u limuha na u pfectesa uri Vhuhone ha Mudzimu vhu fhano. Zwenezwo Ene... arali A... Zwi do vha hani, ndi mađembe manzhi. Ri khou thoma u vhona mađembe.

⁹ Zwino musi zwi tshi da kha muthu, ho no vha na vhanzhi vhavho vha no takuwa kha hingo na zwidulo zwa malinga na zwithu, huno vha bva. Izwo a si dembe kokotolo. Hai. Ni a vhona, na Saintsi ya Tshikriste i nazwo hezwo. Zwi nga vha tshone—tshone—tshone tshiimo tsha muhumbulo tshire tshi nga vha... shandukisa ndila yanu ya kuhumbulele. Zwino, a ri tendi uri zwo vha zwi, ngauri ndi tenda uri ho vha hu lutendo. Fhedzi naho zwo ralo...

¹⁰ Ndo vha ndi ngei La Salle, Lorraine, France. Ndo vha ndi ngei Paris. Huno nda tsela fhasi fhethu he vha vha vhe na musadzi o faho o eđela ngomu henefho, a swiṭwa. Huno vha hutu tombo henefho, huno vhathu vha dzhena ngomu henefho vho holefhalaho, makodobo, huno vha zwi vhea fhasi huno vha ṭuwa, u bva kha u huṭa iļo tombo kha uyo musadzi o faho. Ni a vhona, o fa, huno ha tsha kona u rabelela u fhira... Hu na mupfumēdzanyi muthihi fhedzi vhukati ha Mudzimu na muthu, huno uyo ndi Kristo Yesu. Vha tshi bva muṭani wa Katolika, ndi—ndi a ḥivha uri vha tenda kha—kha vhathu vha no fa, uri iyo ndi mimuya yavho i no khou vha rabelela; vho fhambanaho, vhañwe u itela politiki na vhañwe u itela zwiñwe zwithu. Kha nne, ndi u rerela. A thi khou vhaisa zwipfi zwañu, ndi a fulufhela, fhedzi ndi tea u vha wa vhungoho. Ni a vhona, tshiñwe na tshiñwe tshire tsha rabela tsho faho ndi u rerela.

Vho mmbudzisa izwo ngei Mexico, huno vha ri, “Mini-ha nga ha Yesu?”

¹¹ Nda ri, "Ho ngo fa. O vuwa hafhu, U a tshila u ya nga hu sa fheli." Ni a vhona? Ha ngo fa, U khou tshila. Vhañwe vho^{the} vho no fhira, zwine, Luñwalo lu ri uri "Avho vha re heneffo vha nga si kone u da ngeno, huno avha vha re hafha vha nga si kone u ya hangei." A hu na muthu we a vhuya a pfuka kana ane a do vhuya a ralo. Ngauralo izwo zwi a li ladza arali... Yesu o amba nga u ralo.

¹² Fhedzi ri wana hezwi zwithu zwi tshi khou shuma. Ngauralo zwino huno vhusiku vhuñwe na vhuñwe Muya Mukhethwa u khou lingedza u disa kha inwi Vhuhone ha Tshivhili Tshawe fhano, hu si vhuhone ha muthu. Muthu a nga ditukufhadza fhedzi, nga tshifhiwa tshire a kona u dikumeda ngomu ha huñwe fhethu ha Muya une u nga vula Mudzimu kha inwi. Fhedzi a zwi nga shumi u swika inwi muñe ni tshi zwi tenda na u zwi tanganedza, huno zwenezwo zwi shuma. Ni a vhona, arali no vha no dzula heneffo huno muñwe na muñwe wañu—muñwe na muñwe wañu u do vha a sa tendi, ni songo tenda Ipfì Łalo, na khathihi li nga si shume.

¹³ Yesu, musi A tshi ya kha tshigwada Tshawe, shango Ławe ene muñe, mishumo minzhi ya maanda O vha a nga si ite nga nt̄hani ha u sa tenda havho. Huno arali O vha a sa koni u zwi ita zwenezwo, A nga si kone u zwi ita zwino, nga nt̄hani ha u sa tenda. Ni a vhona, ndi lutendo lwañu.

¹⁴ Ngauralo zwi dzhia nñe na inwi, rothe nga Muya Mukhethwa, u bveledzisa hezwi zwithu; u ntendela nda takala, u ni tendela u takala, uri Mudzimu u fhano a no vhulunga Ipfì Ławe.

¹⁵ Fhedzi musi Muya Mukhethwa u tshi nga dzhena ngomu muñganoni, a tshi khou khunyeledza kokotolo Luñwalo zwe A amba uri zwi do itea mađuvhani a u fhedzisela, huno a bva a ya kha vhathetshelesi vhunga zwe A ita musi O vha e hafha, nahone a ćalukanya zwiphiri zwenezwo zwa dzimbiu, na ngelekanyo na zwine mibilu ya fhima na muhumbulo, muñwe a nga timatima hani? Ni a vhona, hu na dembe lo khunyelelaho, madembe manzhi u fhira muholefhalu a no khou tshimbila, ngauri a zwi konadzei uri izwo zwi bvelele hu si na maanda a maya. Hu tea u vha maanda a tshimuya a u ita hezwo. Ngauralo, huno zwenezwo ni zwi vhona kokotolo zwe Bivhili ya fulufhedzisa na zwine vha tend... zwine ra tenda. Ndi dembe zwinzhi u fhira u ćavha mukosi. Ni a vhona, ndi madembe zwizhi u fhira u amba nga dzindimi. Paulo o ralo. Na zwifhiwa zwa vhukumakuma zwa Muya Mukhethwa zwa u amba nga dzindimi, ndi dembe lo engedzeaho kha hezwo. Ri kha dembe la u fhedza. Zwo bulwa nga iyo ndila nga Bivhili.

¹⁶ Ngauralo, madekwana a ñamusi, a ni tei u lindela u swika vhusiku ha matshelo u da nga muduba uri ni vheiwé zwanda. Zwino, u vheya zwanda kha inwi a zwi nga iti zwinzhi u fhira

u ḥalukanya ngelekanyo dza mbilu; hu si zwinzhi, kha nn̄e. Zwenezwo ni nga tou zwi ḥanganedza, na farelela khazwo, ndi zwāṇu. Huno ni a zwi tenda nga mbilu yaṇu yoṭhe.

¹⁷ Fhedzi vhusiku ha matshelo, arali ni...Luñwalo lu a amba, "Iyani shangoni loṭhe, rerani mafhungo-mađifha kha tshivhumbwa tshiňwe na tshiňwe; izwi zwiga zwi do tevhela avho vha tendaho." Zwiga zwoṭhe; huno zwenezwo, mafhedziseloni, A ri, "Arali vha vhea zwāṇa zwavho kha vhalwadze, vha do fhola." Izwo ndi ngoho. "Avho vhane..." Vhone...Vha no do tevhela vhatendi. Zwo luga. Zwino, ri—ri vhatendi, ngauralo, nga iyo ndila, ri na vhusiku na vhusiku ha u vhea zwāṇa kha vhalwadze, huno Mudzimu o shuma mađembe mahulwane navho. Ro vha na mađembe mahulwane ri tshi khou rabelela zwisagaduku. Ro vha na mađembe mahulu na vhuṭalukanyi ha ngelekanyo dza mbilu. Ni a vhona, zwoṭhe zwo ḥangana, zwi shuma u itela vhugala ha Mudzimu. A si zwa muthu, a si zwa tshivhidzo, ndi zwa vhugala ha Mudzimu. Vhugala ha Mudzimu!

¹⁸ Zwino, phāṇḍa ha musi ri tshi vula Ipfi zwino u itela madekwana...Oo, ri nga humela murahu kha masiaṭari a ngaho aya, fhedzi Mudzimu u tea u A vula; ngauri Luñwalo a si ḥhalutshedzo yo dzumbetshedzwaho, fhedzi Muya Mukhethwa we wa ḥwala Luñwalo ndi Muṭalutshedzi wazwo. Ngauralo kha ri kotamise zwifhaṭuwo zwashu zwino musi ri tshi rabela. Huno ndi vhangana vha no do takalela u elelwa thabeloni, naa ni do tou zwi tendela u ḫivheha nga zwāṇa zwāṇu zwo imiswaho, tshiňwe na tshiňwe tshire tsha vha tshore? O Mudzimu, sedzani. Roṭhe ri na ḥodea, a ri ralo? Ndi na ḥodea, na nn̄e-vho, dzikhonani. Ndo imisela zwāṇa zwanga nt̄ha.

¹⁹ Khotsi wa Tađulu, nga u ḫitukufhadza na u dzika na u ḥonifha ri da kha Vhuhone Hau vhuhulu ha vhuhosi, ri tshi ḫivha, phāṇḍa ha musi itsho tshithu tshithihi tshi tshi itea, Ú fhano ngauri Wo fulufhedzisa u vha nga u ralo. Wo amba, phāṇḍa ha u tuwa Hau, "Huňwe na huňwe hune vhavhili kana vhararu vha kuvhangana nga Dzina Langa, henefho Ndi do vha vhukati havho. Huno arali vha tendelana kha tshithu tshithihi, sa u kwama tshithu tshithihi, humbelani, vha do ḥanganedza." Murena, u ḫisa pfulufhedziso Yau kha hezwi, thengo ya Malofha Au, ndi humbelu uri munna muriňwe na muriňwe, musadzi, kana ḥwana, vhe vha imisa zwāṇa zwavho madekwana a ḥamus, U ḫivha mbilu dzavho, ngavhe vha tshi ḥanganedza zwine vha khou humbelu. Zwi tendele, Murena.

²⁰ Ri vhatu vha re na ḥodea. Ri khou tshimbila shangoni ḥa swiswi, nga swina lihulwane Lau, uri, ro vha ri si nga lwi nae na luthihi arali zwo vha zwi si zwa Muya Mukhethwa Wau. Ngauralo ri khou themba, na u tenda, na u u ita nyito kha lutendo, uri U do ya phāṇḍa hashu huno a vula ndila. Hu na migodi minzhi nga maändā ndilani, yo vhetshelwaho milenzhe

yashu yo netaho, fhedzi ri khou lingedza u tevhela khandiso ya Malofha a Ene we a kunda lufu, hele, na tshalo.

²¹ Ri endedze, madekwana a namusi, nga Muya Mukhethwa Wau, Murena, kha Maipfi ane a tea u ambiwa, zwenezwo endedza Maipfi kha mbilu i re na thodea Dzao. Zwenezwo, Murena, ngavhe magumoni a muṭangano, huno ri thoma mahayani ashu o fhambanaho, ngavhe ri tshi kona u amba hafhu, vhunga avho vho qaho vha tshi bva Emausi, “Naa mbilu dzashu a dzo ngo swa ngomu hashu musi A tshi amba na riñe nqilani?” Ngauri ri zwi humbelia nga Dzina la Yesu, na u itela Ene. Amen.

²² Kha vhoinwi vhane na khou ñwala fhasi Mañwalo, vulani na nne zwino kha bugu ya Dzikhosí dza u Thoma. Ndi tama u vhala tshipida kha ndimana ya vhu17...ndima ya vhu17, zwavhudivhudi, huno ndi khou ya u thoma kha ndimana ya vhu14. Vhalani ya vhu14, ndimana ya vhu15 na ya vhu16 ya ndima ya vhu17 ya Khosi dza u Thoma:

Ngauri u ralo MURENA Mudzimu wa Isiraele, Khali ya vhukhopfu a i nga fheli, na tshitemba tsha mapfura a tshi nga dzuli tshi fhedzi, u swika ḫuvha... MURENA a tshi rumela mvula kha lifhasi.

Huno a ya nahone a ita u ya nga ha u amba ha Eliya: huno ene, na ene, na nn̄du yawe, vha la maduvha manzhi.

Huno khali ya vhukhopfu a yo ngo fhela, na tshitemba tsha mapfura a tsho ngo dzula tshi fhedzi, u ya nga ipfi la MURENA, le a amba nga Eliya.

²³ Hu fanela u vha ho vha masiari kaṭukuṭuku musi a tshi karuswa. A rembulusa thoho yawe yo netaho kha musiamelo musi a tshi pfa tshililo, tshililo tshiṭuku u mona na lufhera. Huno o vha a s koni u edela vhusiku hoṭhe, o vha a tshi dzunguluswa nga n̄thani ha itshi tshiwu tshihulwane. Mutukana muṭuku o vuwa hafhu, a songo edela lwa miniti i no fhira ya fumbili kana furaru, huno ndi kona u pfa ipfi ḥawē liṭuku li tshi ri, “Mmawe, na vha nga sie huno vha sedza hafhu kha raga huno vha vhone arali hu si na tshipida tshithihi tsho salaho tsha vhurotho? Ndi na ndala nga maanda! A thi tou kona u edela.”

²⁴ Huno a sedza kha tshifhaṭuwo tshawe tshiṭuku a na...na mashama awe a tshibode, huno maṭo awe a tshi vha tshitopana, mavhudzi awe malapfu o nembelela fhasi a tshi bva kha u kundelwa u geriwa, hemmbe ḥukhu yawe yo kherukanaho; huno miṭodzi kha maṭo awe huno a pfela kha tshifhaṭuwo tshawe tshiṭuku, vhunga vha tshi mu vhanda kha mashama huno vha ri, “Mufunwa, lingedzani u edela, huno ni pfesese.”

²⁵ Ho vha na miñwaha miraru ho vha hu si na mvula kha lifhasi. A gwadama fhasi kha luvhata, ndi kona u mu vhona musi a tshi lilela Mudzimu, a ri, “O Murena Mudzimu, Yehova, Iwe u Mudzimu wa vhokhotsi ashu, We a kanzwa vhana Vhau nahone

a vha londa lwa miñwaha. Huno ndo lingedza u tshila nga ngoho nahone nda ñiimisela kha Iwe, huno zwino ndi fhano ndi tshi khou vhona mutukana wanga muñuku a tshi khou lilela tshiñwe tshithu tsha u la, nahone hu si na tshine nda nga mu ñea. Lwa vhege nnzhi zwino ro vha ri tshi khou ñi fha u swika fhethu ha zwiliwa luthihi maduvha mararu mañwe na mañwe kana mana, huno zwino zwe tuwa tshothe nga nnda ha tshanda tshithihi tshiñuku tsho ñadzaho vhukhopfu na lebula fhedzi la mapfura. Huno ndi khou lingedza u tshi fara u swika masiari, uri ri sa ño tea u fa musi hu vhusiku. Ndo ita mini, O Mudzimu? Nne, mulanda wau wa musadzi, ndo tshila nga u fulufhedzea. Munna wanga o vha o fela nndwani, nndwa ya Murena, huno ndo vha tshilikadzi lwa miñwaha yo vhalaho zwino, huno ndo lingedza u tshila zwone nahone nda tevhedza Milayo Yau. Huno arali hu tshifhinga tshanga tsha u tuwa, a thi londi; fhedzi mutukana wanga muñuku, zwi tou kherukanya mbilu yanga ya bva zwipida u mu pfa a tshi humbelo tshiñwe tshithu tsha u la, ndi si na tshine nda nga mu ñea.”

²⁶ Musi o no fhedza u rabela, a takuwa. O vha o no humela murahu u edela hafhu lwa zwifhinganyana zwi si gathi. Huno o vha a na zwanda zwawe zwe imiselwa ntha, huno na zwiambaro zwa u edela ngazwo zwe tahalaho zwe a vha o ambara ho tou sala labi. U ya fasitereni huno a sedza nnda, huno hu tou vha tsini na u tsha. Oo, ho vha hu tshi fhisia nga maanda!

²⁷ Mimuya i fhisaho ya khañhulo yo vha i tshi khou vhudzula kha lushaka lwe lwa hangwa Mudzimu. Izwo zwe vha zwi nga tshifhinga tsha Ahaba, khosi ya Isiraele ya tshiñuwisa na vhuvhisa. Huno o vha o mala muitazivhi, Isabele, we a vha a mugwadameli wa midzimu i sili. Huno mbingano dza u tangana ho raloho a dzi bveleli, dzi tou vha dzi nga si kone, zwi nga vha uri musadzi u do da nga ndila ya munna kana munna u do tshimbila nga ndila ya musadzi. Huno o vha e musadzi muñuku a kungaho nga maanda, na Ahaba, a tshi tou vha mutendi a dudelaho, o milwa nga kuhumbulele kwave huno a ri, “Oo, zwe luga, vhurereli a si tshithu tshanga, ndi khosi” Huno nga murahu vha wisa aleñari dza Mudzimu huno vha imisa aleñari dza Baalimu, kana Baali, kha ndi ralo. Huno mukosi wo vha u tshi lwa nga maanda na vhurereli ha ngoho u swika vhashumeli vhe kha vhuleme vhuhulwane vho no zwi tendela.

²⁸ Tshiñwe tshifhinga tsho fhiraho ndo amba nga ha vhashumeli, kana tshiñwe tshithu-vho kha lino duvha, huno tshigwada tsha tangana na nne nahone tsha ri, “Mukomana Branham, zwivhidzo zwashu zwi khou tou ri kokodzela!” Izwo ndi zwine zwa zwi vhanga, tshivhidzo tshi ño bvela nnda arali mushumeli a sa vha takadza.

²⁹ Huno hu si kale vhashumeli vho vha vho no vha nga fhasi ha ñhuñhuwedzo ya khosi ngauri tshivhi tsho tendelwa, huno ho vha hu si na maga. Ndi tshifanyiso tshavhuñi nga maanda tsha

namusi ngauri, lushaka lwo no themendela hezwi zwithu, vhatu vho ḥoda u takalelwa. Vha elekanya, “Tenda fhedzi lushaka lwo amba nga u ralo, zwo vha zwo luga.” Iyo ndi ndila ine vha amba namusi, “Tenda fhedzi lushaka lu tshi ri zwo luga u rengisa haļwa, zwenezwo zwo luga u vhu nwa. Arali lushaka lu tshi tendela vhasadzi vhashu u ambara vha si thaphudze tshiṭaraṭani, huno mulayo u nga si vha thivhele, mulāndu, zwo luga u zwi ita.” Izwo zwi nga di vha zwo luga kha lushaka, fhedzi kha bugu khulwane dza Mudzimu ni na vhudifhinduleli huno ni do tea u fhindula phanda ha Mudzimu. Fhedzi vho wa, vha tea u litshedza muhwalo.

³⁰ Huno lushaka lwo vha lu tshi khou anda, huno vho elekanya uri u bvelela ho vha hu tshiga tsha uri Mudzimu o vha e navho. Izwo a si ngoho tshoṭhe-tshoṭhe. Mudzimu u da kha inwi . . .

³¹ Hu na murero wa kale, murero wa u nyadzisa Mudzimu, une wa ri “Mudzimu u thusa avho vha no di thusa.” Izwo zwi a nyadzisea kha Mudzimu! Mudzimu u thusa avho vhane vha sa kone u qithusa. Ndi ene Mudzimu wa avho vhane vha ḥoda khathutshelo. Huno Ndi ene Mudzimu wa khathutshelo. Huno uyo murero u no amba zwauri “U thusa avho vha no qithusa,” arali ni tshi nga di thusa inwi muṇe, a ni ḥodi thuso Yawe. Fhedzi U thusa avho vhane vha sa kone u qithusa.

³² Fhedzi lushaka lwo elekanya, tenda vho vha vha tshi khou la zwavhuđi huno vho ambara zwavhuđi, uri tshińwe na tshińwe tshi do luga.

³³ Fhedzi ho vha hu na muřwe we a vha a kha di vha wa fesheni ya kale, we a tenda uri ho vha hu na Mudzimu we a vha a wa maitele a kale, a tenda uri ho vha hu na Mudzimu we a vhulunga Ipfī Lawe, a tenda uri Mudzimu wa Abrahamu, Isaka na Yakobo, o vha e mukhethwa huno a ḥoda u qitukufhadza ho fhelelaho kha vhukhethwa Hawe. Fhedzi Isabele na vhawе vha musalauno vho mu vhenga. O vha e mufunzi wavho, fhedzi a vho ngo zwi tenda. Ngauralo, o do tea u dzumba vhutshilo hawe.

³⁴ Huno Mudzimu o mu ruma n̄tha thavhani, huno a ri . . . mu nee mulaedza, huno a ri, “Tsela fhasi huno u vhudze iyo khosi mmbi ya kale, ‘A RALO MA AMBA MURENA.’ A i khou ya u na, kana na የrwando u do wa, u swika ndi tshi i vhidza.” O zwi fha kha mulomoni wa Elisha u vhidza mvula musi ho vha hu tshifhinga tshazwo; fhedzi o vha a na khono dza ḥadulu, o vha a tshi nga dzi vala kana u vula. Huno A ri, “Ndi khou ḥoda u tshi gonya u bva sogani . . . kha hezwi . . . u ya sogani, zwavhuđi-vhudi, u bva kha hohu u vilingana. Ibvani vhukati havho. No vha funza huno a vha nga ni thetshelesi, nahone vha khou dzulela u n̄ana. Iya n̄tha ngei phangani, huno heneffo u dzule tsini na tshisima, Kiriti, huno Ndi do . . . ndo no laela maanga uri a u londe.” Oo, arali vhatu vha sa do ralo, Mudzimu u na mahunguvhu ane a nga zwi ita!

³⁵ Yohane o ri, "Mudzimu u a kona nga haya matombo u vusela vhana kha Abrahamu."

³⁶ Yesu o ri, "Arali vha fhumula, matombo a do huwelela nga u ḥavhanya."

³⁷ Mudzimu a nga ita zwine A ḥoda. O ri, "Ndo laya mahunguvhu, huno a khou yo u kanzwa." Huno a mu ȳisela ȳnama na tshinkwa.

³⁸ Muńwe o amba nga tshińwe tshifhinga, "Naa o zwi wanafhi, Mukomana Branham?"

³⁹ Nda ri, "A thi ȳivhi. Tshithu fhedzi tshine nda ȳivha, o zwi ȳisa. O zwi wana fhethu huthihi he Yesu a ita musi A tshi dzhia khovhe ḥthanu na...kana makokisi maṭanu na khovhe mbili, huno vha kanzwa vha zwigidi zwiṭanu. Zwi bva kha tshandā tshenetsho tshithihi tsho sikiwaho tsha Mudzimu Ramaandothe." Vho mu ȳisela khovhe na tshinnkwa, mahunguvhu, a dzula fhasi huno a ḥekedza kha Elisha, huno a li ḥa, huno a kotama fhasi nahone a nwa tshisimani. Mudzimu o vha o awedza muporofita Wawe.

⁴⁰ Oo, ndo takala nga maanda uri Mudzimu u na ndila ya u ponya! Huno musi vho elekanya uri u a penga, "Uyo muporofita wa kale, dakalo la kale la u vhulaha," tshifhinga tshoṭhe a tshi lingedza u bvīsa dakalo kha zwimima zwavho zwiṭuku zwa dakalo zwe vha vha vhe nazwo, a tshi vha vhudza uri ho vha hu tshivhi. Huno Mudzimu...ene a tshi khou tevhela ndaela ya Mudzimu, a gonya n̄tha dzithavhani huno a dzula fhasi fhethu hu re n̄tha, fhethu ho omesaho kha shango. Fhedzi Mudzimu a dzudza tshisima tshi tshi khou elela. Huno vho vha vhe henengei fhasi vha tshi khou muñedza lulimi lwavho u itela mađi.

⁴¹ Ni a ȳivha, Mudzimu u na ndila ya u fhindula thabelo. Hoyu musadzi muṭuku o tshila nga ngoho. O vha a sa athu mala hafhu, o vha a tshi khou dzula a si na mufarisi u ḥangana na munna wawe vhugalani. O vha e musadzi a huliseaho. Huno lwa dzivhege mvuyhelo yo vha i tshi khou tsela fhasi, fhasi, huno ene a issa phanda na u rabela, huno o vha a tshi kha di vhonala u nga ho vha hu si na fulufhelo huńwe fhethu.

⁴² Ni a ȳivha, heneffo ri nga wana ngudo u bva kha izwo. Izwo, arali no rabela huno na swikelela ḥodea dzōthe dzine Mudzimu a ḥoda ni tshi dzi swikelela, huno naho zwo ralo O fhumula, Ha ambi tshińwe tshithu, huno naho zwo ralo no swikelela ḥodea, zwino, hu bvelelani-ha? Arali ni tshi ȳivha uri no swikelela ḥodea Dzawe huno no ita zweṭhe zwine na ȳivha u zwi ita, zwenezwo lutendo a lu dzinginei, lu tou dzula lwa dzika nahone lwa elekanya phosethivi. Lutendo lu dzhia u faresa ha lini na lini kha Tombo ḥa Zwikhathi, huno lwa sa sudzuluwe.

⁴³ Uyo muthu muhulwane a no pfi "lutendo"! Ndo amba kanzhi, "Lutendo lu na mavhudzi kha khana." Musi a tshi amba, tshińwe na tshińwe-vho tshi a fhumula. Musi lutendo lu tshi ri,

“Fhumulani!” zwenezwo tshiñwe na tshiñwe tshi a ima, ngauri ndi ene muhulwane.

⁴⁴ Huno o vha o swikelela thodea iñwe na iñwe. O tshila o kuna, o tshila nga ndila i thonifheaho, a tshila lu huliseaho, huno o swikelela thodea dzothe dza Mudzimu. Fhedzi, zwi vhonala u nga O vha o fhumula. Mudzimu u ita izwo nga tshiñwe tshifhinga u ni linga, u vhona uri ndi lushaka-de lwa nyito lune na do vha nalwo. Ni songo zwi hangwa!

⁴⁵ Arali na da nga kha pulatifomo, no rabelelwa, huno zwanđa zwe vheiwā kha inwi, huno zwi vhonala u nga a hu na tshi no bvelela, izwo a zwi imisi lutendo na luthihi, no swikelela thodea dza Mudzimu. Zwino, arali no dzi swikelela! Zwino, arali no farelela murahu kha Mudzimu, ni a divha mbilu yañu i a ni hañula... Huno ri a divha, “Arali mbilu yashu i sa ri hañuli, zwenezwo ro ralo.” Zwino, fhedzi arali mbilu dzashu dici tshi ri hañula, a hu na thodea ya u da kha pulatifomo, a hu na thodea ya u humbelu Mudzimu tshiñwe tshitihu, ngauri a ni na lutendo lwa u tshi ḥanganedza. Fhedzi musi no swikelela thodea iñwe na iñwe ine Mudzimu a ḥoda, zwenezwo lutendo lu bvela heneffo nnida, huno lwa ri, “Mudzimu ndi Mudzimu! Ndo swikelela thodea.”

⁴⁶ Luñwalo lu ri, “Vhane vha lindela kha Murena vha do wana nungo dzavho ntswa, vha do fhufha nga dziphapha sa goni, vha do gidima huno vha si nete, vha tshimbila nahone vha sa noki.” Vhunga luimbo lu tshi ri, “Mpfunze, Murena! Oo, mpfunze, Murena, uri hu lindeliwa hani.” Ita uri myua wanga u ḥanzwiwe nga Malofha a Khalivari, u swikelela thodea iñwe na iñwe, u fhise boroho dzothe u mona hoñhe, huno nda ri, “Zwino, Murena, a hu na tshitihu zwandani zwanga tshirenda disa, fhedzi kha Tshifhambano Tshau ndi khou nambatela. Wo zwi fulufhedzisa, Murena.” Ulwo ndi lushaka lwa nyimele, tshi itisaho uri vhathu vha elekanye uri nñe ndi muthu wa u ñi khethulula. Fhedzi lufherani, kana nga hansei thungo ya phanga, iyo ndi nyimele ine na tea u dzhena khayo ni sa athu tshimbila ngomu ha iyi phuluphitii hafha. Ngauri, tshifhinga tshothe Sañhane u khou rothisela tshiñwe tshitihu tshiñku u lingedza u sinyusa tshiñwe tshitihu. Huno ni fanela u vha no farelela kha Tshifhambano, hu si u fulufhela vhukoni ha inwi muñe, ngelekanyo dzañu, ni tshi khou tou ñitika nga Tshanda tsha lini na lini. Ri sa vhili huriwe u thanya, ri sa vhili muhumbulo wa riñe vhane, ni khou to ñivila inwi muñe huno na tendela Muya Mukhethwa u tshi amba. Iyo ndi nyimele ine Mudzimu a ḥoda Tshivhidzo Tshawe ngomu. Dzhenani kha iyo nyimele.

⁴⁷ Mudzimu u a ni linga. Murwa muñwe na muñwe ane a da kha Mudzimu u tea u thoma a lingiwa, u rwiwa, uri a vhone arali a tshi nga imela u nyambudzwa. Arali ra gonya nñha huno ra ri, “Ndi a tenda uri Yesu Kristo ndi Murwa wa Mudzimu, uri O fela zwivhi zwanga huno a vuwa hafhu nga ñuvha la vhuraru. O rungelwa zwivhi zwanga, a khudzulelwa vhutshinyi

hangā. Thamu ya mulalo wanga yo vha i Khae, huno nga ntho Dzawe ndo fhola.” Musi ni tshi amba izwo, nga u bula... zwivhi zwaṇu zweṭhe na vhutshinyi haṇu, na vhukoni haṇu na zweṭhe zwinē na vha nazwo, zwi vheeni kha aliṭari. Zwenezwo, heneffo, hu si na tshithu tshandani tshaṇu, Saṭhane u khou yo thuntsha misevhe miñwe na miñwe kha inwi ine a kona. Fhedzi zwenezwo arali na ṭutshela thungo u bva heneffo huno na ri, “Zwo luga, khañwe a tho ngo tshidziwa, khañwe a tho ngo fhola,” zwenezwo ṭutshelani kule na Izwo, Bivhili yo ri ni “vhana vha khangamutupo, huno hu si vhana vha Mudzimu.”

⁴⁸ Mudzimu u linga murwa muñwe na muñwe wa Abrahamu vhunga O ita Abrahamu, ngauri ri mbeu ya Abrahamu. Nga u fa kha Kristo, ri mbeu ya Abrahamu nahone ri vhaṭaifa zwi tshi tevhedza pfulufhedziso. Mbeu ya Abrahamu, hoyo ndi maya we Abrahamu a vha nawo. O vha na pfulufhedziso ye a newa. Huno arali khotsi ashu o fulufhela Mudzimu nahone a džhia pfulufhedziso, zwi sa konadzei, huno a farelela khazwo lwa miñwaha ya fumbiliṭhanu zwi sa athu vhuya zwa vhonadzwa, a tshi vha na maandā tshifhinga tshothe, mbeu yawe u tou fana na khotsi. A hu londwi zwine zwa bvelela, musi ro no rabelelwa, zwo dzudzanye! Musi ri tshi bvisa tshiñwe na tshiñwe nđilani, ra swikelela ḥodea dzothe, ra bvisa tshiñwe na tshiñwe nđilani, zwenezwo hūmbelani Mudzimu, huno ni ime heneffo ni tshi ḫivha uri ni khou yo zwi ḫanganedza.

⁴⁹ Mudzimu o linga Yobo nga u ralo. Musi Yobo o humbela khathutshelo, a ḥetshedza tshiṭhavhelo tsha vhana vhawe, tshithu tshi tshothe tshe muporofita a vha natsho ho vha hu tshidzimu tsho fhiswaho. Fhedzi hezwo zweṭhe zwo vha zwi zwo Mudzimu a ḥoda.

⁵⁰ Mudzimu ha ḥodi pfunzo na maloto manzhi, U ḥoda mbilu yo ḥikumedzaho kha lufuno Lwawe. Ha ni humbeli u ambara nga inwe nđila, kana—kana u ya kha zwiñwe zwithu kana kha mañwe magudedzi a n̄ha, kana digirii. U humbeli maya wo ḥukufhalaho, u ḥisolaho, wo pwashekanaho, na mbilu i funaho u Mu ḫanganedza.

⁵¹ O lingedza Yobo, huno a vhona uri ndi lushaka-de lwa nyito lune A do lu wana khae. Fhedzi musi A tshi džhia nngu dzawe huno a džhia phulu yawe, nahone a džhia gamela dzawe, huno a džhia vhana vhawe, “Ndi do vhona zwine Yobo a amba zwino.”

⁵² Huno a ri, “Murena o ḥea nahone Murena o džhia, kha hu rendwe Dzina ḥa Murena.”

⁵³ O wana zwo A vhudza Saṭhane uri U nazwo kha Yobo, “A hu na a no nga ene, kha ḥifhasi.”

⁵⁴ Zwenezwo mibvumo ya thoma u vhomba, phenyo dza thoma u penya. Mayu wo da kha muporofita, huno a zhamba, “Ndi a ḫivha uri Murengululi wanga u a tshila, huno maduvhani a u fhedzisela U do ima kha ḥifhasi. Naho mbungu dza ḥukanda dzi

tshi tshinyadza uyu muvhili, nangwe zwo ralo ḥamani yanga ndi do vhabona Mudzimu; Ane nda do mu vhabona, maṭo anga a do mu vhabona, huno hu si muñwe.”

⁵⁵ O linga vhabana vha Vhahevheru u vhabona uri ndi lushakade lwa nyito lune vha do vha nalwo. Vho no bula vhukati ha vhahedeni uri “Ho vha hu na Mudzimu a tshilaho, ho vha hu na Yehova Mudzimu, na uri O vha e Mudzimu wa Tađulu na Mudzimu wa lifhasi, huno A fara maya muñwe na muñwe tshandani Tshawe.” Ngauralo Mudzimu o vha tendela u lingiwa. Huno vho swikelela ḥodea dzothe, vho rabela nahone vha bvisa tshiñwe na tshiñwe ndilani. Huno vho vha vha si nga gwadameli fhasi kha tshifanyiso tsha khosi. Huno a ita uri ḥando i fhise kaṭanu na kavhili u fhira zwe ya vhuya ya vha zwone. Huno a hu na u timatima uri Sathane o vha a tshi khou lingedza u vha vhudza, “Uvhu ndi vhufhelo ha ndila.” Ndi a takalela ndila ye vha amba, “Mudzimu washu u a kona u ri phulusa kha iyo ḥando ya mulilo, fhedzi, naho zwo ralo, arali A sa iti, ri nga si vunde Milayo ya Mudzimu. Ri do dzula ri vha ngoho! Lutendo Iwashu kha lu lile miñwaha i ḥaho, uri, ro dzula ri vha ngoho kha pfulufhedziso ya Mudzimu.”

⁵⁶ “Mudzimu wanga u a kona u mphodza kha *izwi*.” Kana, “Mudzimu wanga u a kona u nnzhia kha itsi tshidulomilinga. Mudzimu wanga u a kona u ita *hezwi*. Fhedzi ndo Mu ḥanganedza sa Mufhodzi wanga. Ndo bula zwivhi zwanga (u sa tenda hanga) huno nda bula uri ndi a tenda uri U mufhodzi wanga. Irani a de, kha hu vhe tshine tsha vha. Arali ndi songo fhola ḥamusi, ndi do ralo matshelo; arali ndi songo ralo matshelo, ndi do ralo ḥwakani. Murena o nea nahone Murena a dzhia, kha hu rendwe Dzina la Murena!”

⁵⁷ Oo, heneffo zwo vha zwi hone! Huno musi vho dzhena ḥandoni ya mulilo, fhasi ha mulingo, fhasi ha ndingo, vha fulufhedzea u swika magumoni. Fhedzi Mudzimu o vha a heneffo nga tshifhinga tsha u fhedza, huno A vha phulusa. Vho zwi ḥiyha uri vho rabelelwa, zwivhi zwavho zwo buliwa. Vho zwi ḥiyha uri vho swikelela ḥodea iñwe na iñwe, huno naho zwo ralo O vhabonal o fhumula. O tou fhumula fhedzi u ni linga, u vhabona zwa vhukuma zwine na vha zwone, zwi re nga ngomu hanu, vhabonani arali ni tshi khou amba zwavhukuma zwi bvaho mbiluni yanu zwine na khou amba nga meme dzanu. Litsha izwo zwi dzhene fhasi. Ri nga amba nga meme dzashu, fhedzi mbilu yashu i khou zwi amba?

⁵⁸ Zwino, musi uyu musadzi muṭuku o ḥiyha uri o no swikelela idzi ḥodea dzothe, huno naho zwo ralo Mudzimu a fhumula. Zwi vhabonal u nga O vha a sa vhuyi a mu londa, Ho ngo londa uri kana o tshila kana o fa. Fhedzi, tshifhinga tshothe, Mudzimu o vha a tshi khou shuma. O vha a sa ḥiyha nga hazwo, fhedzi Mudzimu o vhudza Eliya. O xisa tshisima, o ḥaramudza tshanda Tshawe

huno a imisa tshisima u ri tshi si elele. Huno Eliya a ri, "Murena, ndi ngani tsho ima?"

⁵⁹ A ri, "Ndo laya musadzi wa tshilikadzi uri a u kanzwe." O vha o no mu laya, ho ngo zwi divha.

⁶⁰ A nga vha o no laela inwi vhūtanzi ha phodzo yanu; zwi nga di itea na si vhu divhe, fhedzi itanu bvela phanda. Musi ni na ngoho ya uri no swikelela thodea dzothe, musi ni tshi divha uri no ita tshiñwe na tshiñwe tshire na divha u ita, huno na divhea phanda ha Mudzimu, hu na tshithu tshithihi fhedzi tshire tshi nga itwa, ndi u, nambatela kha pfulufhedziso Yawe zwenezwo. Dzulani heneffho! Mudzimu o fulufhedzisa u fhindula, U do zwi ita. A ni divhi zwe A laya, muruňwa ufhio, kana zwine a tea u ita. Zwi nga di vha vhusiku uvhu, tshumelo ya phodzo i sa athu thoma vhusiku ha matshelo. Mudzimu a nga vha o vthona nyimele yanu ñamusi, A nga vha o pfa thabelo yanu.

⁶¹ Huno ndo pfela vhūtungu nga maanda havha vhathu vha madzingandevhe na zwimuma. Ndi toda u vhea zwanda khavho huno nda vha rabelela, nda thoma u ima madekwe, fhedzi nda ri hezwo zwi do vha zwi songo luga u itela vhañwe vhothe. Fhedzi ndi divha hani uri huñwe fhethu a si Mudzimu o fhumulaho a no divha mbilu, avha vhathu vho swikelela thodea dzavho dza Mudzimu, huno vho dilugisa, huno hu na muruňwa hafha madekwana a ñamusi wa u vha phulusa kha matupho avho othe? Naa ndi divha hani? Mudzimu a nga di vha o laya thengululo yavho madekwana a ñamusi. Kana ndi rabelela vhalwadze, kana hai, vha do zwi wana ngauri Mudzimu o zwi toda. Ivhani na ngoho ya Mudzimu, huno zwenezwo ni farelele, swikelelani thodea Dzawe. Mudzimu u ya divha uri zwithu zwo lugaho zwi itwa hani, u ya divha uri zwi itiswa hani nga ndila yone.

⁶² Zwino, ndi tshithu tshi kanukisaho nga maanda tshire Mudzimu a do rumela muporofita Wawe nduni ya musadzi wa tshilikadzi. Fhethu ha hani nandi! Fhedzi u fanela u vha o vha e musadzi a huliseaho vhukuma, kana na khathihi O vha a tshi do vha a songo rumela muporofita Wawe heneffho. Oo, arali muthu o vha o fanela, u tea u vha muthu o fanelaho u takadza munna a no nga Eliya.

⁶³ Inwi ni a elelwa, ho vha hu Sakaria, nduni yawe, uri o vha a tshi fulufhedzea nahone e wa ngoho, o lindela Mudzimu uri a vha nee ñwana, na Muruňwa, Gabriele, u da nduni. Ho vha hu tshipofu Maria we a tshila o kuna nahone o difara, huno o lindela pfulufhedziso ya Mudzimu, uri O ruma Muruňwa kha ene.

⁶⁴ Ni amba nga ha u gidima na shango huno na ambisana na shango, huno zwenezwo ra lavhelela u vthona vharuňwa na madembe zwi tshi itwa, zwi nnnda ha mbekanyamushumo ya Mudzimu. Ni tea u tshila zwone. U kunakisa nndu, u kunakisa madzema anu, u kunakisa zwithu zwa shango, latani garaña

dzanu na nyandano ya shango yanu, dilugiseni, huno zwenezwo Muruňwa wa Mudzimu a nga kona u amba nahone a ri, "U songo ofha, ndi Nhe." Zwenezwo zwithu zwi a itea. Fhedzi o . . .

⁶⁵ Musadzi mučuku o vha e fhasi a tshi khou rabela, a sa divhi uri u tsa na thavha hu da muporofita. O vha e na bono, hune a tea u ya hone. Mudzimu ha rangi vhathe Vhawe nga ndila yo pofulaho, U vha vhudza hune vha khou ya. O vha a tshi khou sedza ngomu mudini. Oo, zwo vha zwi tshi shavhisa. Vhathe vho vha vha tshi khou sika nga ndala, nahone vha tshi khou zhambelela madi, na vhathe vha re na ndala. Ndi tshivhoniswa tsha vhuada. Ndi tshivhoniswa tsha tshivhi.

⁶⁶ Huno ulu lushaka lu khazwo. Ni nga si kone... Hone u linganya, na wone mulayo wa mupo u nga si zwi tendele, musi ri tshi—musi ri tshi khou tambisa tshelede nga matshilele a vhudabada, huno hafu ya shango i khou fa nga ndala (vhothe ndi vhathe vhe Kristo a vha fela).

⁶⁷ Ndi ngazwo masimu a vhashumiwa e kha mbilu yanga. Ni na vhashumeli vha vhudi hafha Phoenix, na hothe u mona na United States na fhethu hunzhi, zwivhidzo zwi re khuđani inwe na inwe, vhanna vhahulwane vha Mudzimu, tshumelo dza phodzo, vhanna vhahulwane vhunga Oral Roberts na vhaňwe vhanna vhahulwane, vha tshi khou rera. Huno hu na vhathe ngei seli, vha no khou fa nga zwigidi duvha linwe na linwe, vhe vha sa pfe nga ha Dzina la Yesu. Vha tungufhadzaho vhačuku, vha tshika, vsharema vha na ndala, ngei fhasi Afrika na ngei India, vhathe vhačuku vho edela tshiťaratani, vha tshi khou fa, a vha vhuyi vha divha uri "Mudzimu" zwi amba mini. Huno zwenezwo ri tača nga phambano thukhu dzashu dza lutendo lwa vhurereli. Oo, a si zwone kokotolo (a thi humbuli, khonani), arali zwi kha inwi mbilu u vhona izwo.

⁶⁸ Zwino, dzhielani nzhele uyu musadzi mučuku a tungufhadzaho, nga murahu ha musi o no sedza nn̄da nga fasitere huno o vhona uri lo vha li tsini na u tsha, o divha zwičuku zwe zwa vha zwo mu lindela. O vha a tshi khou elekanya uri ho vha hu lufu lwawe na mutukana wawe mučuku. Ngauralo ndi... Musi o edela, kha ri tou mu sedza lwa miniti i si gathi. U ya tuwa, nga murahu ha musi o rabela, huno u humisela mayhudzi awe mačuku murahu u bva kha mačoa awe, huno a ri, "Mufunwa muthu mučuku, ni vhonala nga maanda sa wanu wavhudi, khotsi mukhethwa. O fulufhela hani Mudzimu! O netshedza hani vhutshilo hawe u itela ndivho ya Isiraele, nn̄da midavhini ya nndwa! Huno ni vhonala nga maanda vhunga ene. Huno, Mufunwa, a thi divhi uri ndi ngani vha si na mulandu vha tshi tambula nga mulandu, fhedzi vha a ralo."

⁶⁹ Ulu lushaka, Vhakriste, vha do tambula nga nthani ha u sa luga kha politiki, vha ita uri lushaka lwothe lu tambule.

⁷⁰ Zwino ndi a kona u mu vhona a tshi dzhena ngomu huno a ri, “Ndi do lugisa khekhe ḥukhu zwino. Ndi tou vha na khekhe ḥukhu yo eḍanaho ya khekhe nthihi ya—ya vhurotho yo salaho, huno musi ri tshi i ḥa, zwenezwo ri do fa.” Ngauralo a dzhena lufherani, huno a bvisa vhukhopfu khalini ya zwiliwa. Huno ndi a kona u mu vhona a tshi khou fhufhura nga tshiila tshiṭuku, tshanda tsho nakaho, vhunga a tshi fara u buda kha ndogwana ḥukhu ye ya vha i khayo; a tshi khou suka, tshipiḍa tshiñwe na tshiñwe tsha buse, huno mafhedziselonni o wana zwo eḍanaho khekhe nthihi fhedzi; a ya kha tshitemba tshiṭuku huno a tshi fara nahone a kokodza tshipiḍa tshiñwe na tshiñwe tsha mapfura ngatsho, a no nga a lebula.

⁷¹ Zwino, zwiliwa, izwo zwithu zweṭhe zwi na zwine zwa amba. Vhukhopfu ho imela “Kristo.” Kristo o vha e musumo wa vhukhopfu. Musi vha tshi gaya vhukhopfu ha musumo wa u dzungudza, u itela Kristo, we a vha e Kristo kha musumo wa u dzungudza, kha Testamennde Ndala, vha vhu gaya nga luñwe lushaka lwa musi, uri tshipiḍa tshiñwe na tshiñwe tshiṭuku tsha vhukhopfu tshi fanela u gayiwa nga ndila i fanaho, ngauri Yesu Kristo ha shanduki mulovha, ɻamusi, na lini na lini.

⁷² Ni a elelwa musi zwiñwe zwa zwikolo n̄ha hangei zwi sa divhi phambano vhukati ha maranga a daka na ɻawa, huno vha posa marwe maranga a daka kha khali ya ɻawa, u bika, huno vha lila, “Hu na lufu kha khali.”

⁷³ Eliya a wana vhukhopfu ha tshiḍalatshanda, a vhu kudza ngomu ha khali, huno a ri, “Ilani!” Naa vhukhopfu ho itani? Vhukhopfu, khalini, ho shandukisa u bva lufuni u ya vhutshiloni; u bva kha tshiko tshi ɻeaho lufu u ya kha tshiko tshi ɻeyaho vhutshilo.

⁷⁴ Izwo ndi zwenezwo zwithihi zwine zwa vha zwone madekwana a ɻamusi, musi hu na lufu kha mudzio wañu. Kristo, o poselwa ngomu ha mudzio wañu, u ni bvisa lufuni a ni isa kha Vhutshilo. Kristo u ita phambano. A tshi dzhena mbiluni ya muthu, oo, U nea mulalo u fhiraho pfesesa. Huno hafhu U nea Vhutshilo Vhu Sa Fheli, “Ane a tenda kha Murwa u na Vhutshilo Vhu Sa Fheli, nahone ha nga lovhi.”

⁷⁵ Zwino, o wana vhukhopfu, zwine zwa imela Kristo. Huno Kristo ndi Ipfi. “U rangani ho vha hu na Ipfi, Ipfi lo vha li na Mudzimu, nahone Ipfi lo vha li Mudzimu. Huno Ipfi a itwa ɻama nahone a dzula vhukati hashu.” Kristo, ene musumo wa Vhukhopfu! Zwenezwo a ɬuwa huno a wana mapfura. Huno mapfura a imela “Muya.” Ngauralo a vhea Ipfi na Muya fhethu huthihi, huno a thoma u Li ɻanganyisa.

⁷⁶ Oo, tshiñwe tshithu tshi tea u bvelela musi izwo zwi tshi itea! Kha zwi vhe nga u ralo madekwana a ɻamusi zwauri Ipfi line nda khou rera li wele mbiluni yañu. Zwenezwo i ri ni Muya Mukhethwa u dzhene ngomu heneffo huno u ye u ɻanganyise

Izwo. Sedzani zwine zwa itea musi ni tshi vhea Ipfi na Muya fhethu huthihi! Yesu o ri kha musadzi tshisimani, “Musadzi, ndi a ni vhudza, tshifhinga tshi khou ḫa, huno zwino ndi, musi Mudzimu a tshi ḫoda u losha kha Muya na kha Ngoho.” Huno U tou vha Ngoho.

⁷⁷ Hone vhukhopfu, sedzani zwe a ita, o ṭanganyisa Ipfi na Muya fhethu huthihi. Vhathu vhanzhi vha na Muya vha si na Ipfi, vhañwe vha na Ipfi vha si na Muya. Fhedzi ni dzhiya, ni zwi vhea Zwoṭhe fhethu huthihi hune zwa tea u vha, hu na khekhe ine ya khou itea! Hu na tshiñwe tshire tsha khou bvelela.

⁷⁸ Tshilikadzi ḫukhu i ṭungufhadzaho yo vha i sa divhi zwe ya vha i tshi khou ita, fhedzi Mudzimu o ri kha Eliya, “Ndo mu laya.”

⁷⁹ Huno Eliya u ndilani yawe nga kha matombo o fhaṭelwaho, a tshi khou tsela fhasi u vhona bono ḫawé li tshi vuledziwa huñwe fhethu. Huno khoyu o ima henefho, miṭodzi a khou phumula nga tshikhipha tshawe tsho ṭahalaho, nahone a tshi ri, “O Yehova Mudzimu, lutendo lwanga a lu athu u kundelwa, nahone a lu nga kundelwi. Nga inwe ndila kana inwe, a thi divhi uri izwi zwoṭhe ndi hani, fhedzi ri funzwa zwauri zwithu zwoṭhe zwi shumisana u itela zwivhuya.” O vha a tshi khou ṭanganyisa hovhu vhukhopfu, o vha o no vha na khekhe yawe yo no ṭanganyiswa na u sukiwa. A ri, “Zwino ndi tshifhinga tsha uri nne ndi ye nn̄da huno nda wana dziñwe khuni.” A humela murahu huno a vula vothi, huno a ri, “O Murena, iyo thumbu ḫukhu i ṭungufhadzaho yo edela henefho, huno a tho ngo ḫa lwa vhege mbili kana tharu. Ndo mu nea tshipiḍa tshanga tsha khekhe.”

⁸⁰ Avho ndi mme, lufuno lwa mme kha lushie lwavho. A hu na tshi no nga lwone, lufuno fhedzi lwa Mudzimu. “Mme vha nga hangwa lushie lwavho lu mamaho, fhedzi ndi nga si ni hangwe. Madzina anu o ḫwalwa kha mitsheṭo ya zwanda Zwanga.” A nga ni hangwa hani? “A thi nga ni ṭutsheli, kana nda si ni ṭutshele na khathihi. Ndi do vha na vhoinwi tshifhinga tshoṭhe, u swika na magumoni a shango.”

⁸¹ Henefho a lavhelesa kha lushie lwawe, khañwe o dodomela murahu huno a mama phanda yawe ḫukhu. Kana arali o ḫoka nahone a fa nga nn̄da. U ya nn̄da. Li khou tou thoma u nga... duvha li thoma u ṭavha mivhunduni ya Yuda. Huno a sedza ḫuvha li tshi thoma u ḫodzimela n̄tha. Fhasi tshiṭaraṭani u pfa u semana na u bvela phanda. Huno a bvela nn̄da dzharaṭani huno, dzhielani nzhele, a ṭala vhuṭasana vhuvhili (hu si dzanda), vhuṭasana vhuvhili. Naa ndi mini? “Tshifhambano.”

⁸² Zwino, muñwe na muñwe u a divha, muñwe wa khonani dzanga dza India hafha u a divha, kana muzwimi-vho, ndila yone ya u ita mulilo uri u duge, ndi, u buḍa khuni mbili, matanda mavhili, na a funga nga vhukati, huno na tou dzulela u

kudanyedza. Zwi do ralo vhusiku hothe. Tshifhinga tshinzhi ndo edela sogani, ndi na khuni mbili dzi sa fhiri vhuhulwane u fhira *uvho*, huno nda dzulela u dudela vhusiku hothe. Dzo tou eðanaho u dudela, dzulelani u dici kudanyedza vhukati hadzo.

⁸³ Zwino u khou yo itani? U funga idzi ðhasana mbili. Huno Ipfi na Muya zwo ðisa tshiðhavhelo tsha vhunne tshifhambanoni, tsho lugela mushumo, tsho lugisela vhutshilo. U vhea Ipfi na Muya, ulwo ndi lutendo lwawe kha Ipfi la Mudzimu nga Muya Mukhethwa, a tshi di endedza kha tshiðhavhelo tshiñwe na tshiñwe-who kha Tshifhambano. Huno musi o no wana ðhasana fhasi ha tshanda tshawe, vhuvhili hadzo, huno a thoma u humela murahu, a thoma murahu, huno ho vha na ipfi le la bva khoroni, "Mufumakadzi."

⁸⁴ Phanda ha hezwo, wa kale, khamusi wa phanda, huno na mmvi dzo nembelela kha ndebvu, na mavhudzi awe o nembelela u tsa fhasi, lubada luþuku tshandani tshawe, mukumba wa kale wa nngu kana tshiñwe tshitithu tsho mu fukedzaho u mona nae, a tshi khou tshimbila tshitaraðani, a tshi ri, "Murena, ndi iñwe dzharaða tshena. Hu do vha na musadzi muþuku a vthonalaho e wavhudu" (u fanela u vha o vha e muswa, mutukana o vha e muswa) "nnða dzharaðani. Wo mmbudza uri iyo yo vha i tshilikadzi ye ya vha i tshi khou yo nkanzwa. Zwino, naa i ngafhi? Ndi do dzulela u tshimbila." Muya u mu ranga phanda nga *heyi* ndila, zwenezwo wa mu rembulusa. Oo, ndi zwavhudu sa vharwa vha Mudzimu vha tshi rangwa phanda nga Muya wa Mudzimu. A hu londwi uri zwi pfala zwo tsilufhala hani, vha a khadiwa! U ya... U tsa fhasi kha tshiñwe tshitaraða huno ntsha ha tshiñwe, fhasi kha tshiñwe tshitaraða na ntsha kha tshiñwe.

Nga murahu ha tshifhinganyana, Muya wa ri, "Sedza kha tshauða tshau."

⁸⁵ Huno u zwi sedza u mona hothe nga *u ralo*, u tou fana na musi A tshi ita hafha kha pulatifomo, vhusiku na vhusiku. Oo, Mudzimu u kha di vha a fanaho! "Sedzani kha tsha u la tshañu, kha tsha monde tshañu, hu na muñwe a no khou rabela ane a tshi ðoda."

⁸⁶ Huno a lavhelesa kha tshauða tshawe. "A ri, hu na dzharaða ðhukhu tshena. Izwo zwi tou vha zwone. Ndi nga si tou sudzuluwa hafha, ngauri hu na muri wa kale wo imaho heneffho. Huno hu na tshiñwe na tshiñwe nga ndila ye nda vhona kha bono." Vothi li a vulea huno musadzi muþuku musekene a bvela nnða.

⁸⁷ Zwino, elelwani, u khou tou yo doba vhutasana vhuvhili. O vha a tshi do vha a songo doba vhuraru, u dzhia vhuvhili u ita Tshifhambano. A doba vhutasana vhuvhili huno a vhu vhea kha tshanda tshawe huno a thoma u humela murahu, a tshi elekanya, "Ndi do vha na khekhe ðhukhu yo itwa musi murwa a tshi vuwa. Huno zwenezwo ndi do mu kanzwa ngayo, a thi nga

li inwe nne mune. Huno ndi do vhea mutukana wanga mułuku zwandanî zwanga, huno heneñho ri do dzula ra fa.” Huno a thoma ngomu nđuni.

⁸⁸ A pfa ipfi lisili u buðekanya khoro, ha pfi, “Musadzi, naa ni do nkela tshinwiwa tshiñuku tsha mađi?”

⁸⁹ Huno a rembuluwa, huno a elekanya, “Ho ima munna wa vhulenda khoroni.” A mu lavhelesa zwavhudî, huno khañwe a fhuluña miđodzi mañoni awe, zwo vha zwi kha di vha nga matsheloni nga maända. Ni a ñivha, Mudzimu u ita zwithu nga ndila i kanukisaho. O vha a tshi funa u vhavhalela. Mađi o vha e tshithu tshi kondaho, yo vha i songo na lwa miñwaha miraru na miñwedzi ya rathi.

⁹⁰ “Naa ni do nkele . . .” Khamusi Mudzimu o mu vhudza uri a ambe izwo, u vhona zwine a do ita, a tshi khou linga phindulo yawe. “Naa ni do nkela tshinwiwa tshiñuku tsha mađi nga mudzio?”

⁹¹ Huno a mu sedza. “U pfala o fhambana. Hu na tshiñwe tshithu nga ha munna wa kale ane nda mu pfela vhuñgungu.”

⁹² Mutendi muñwe na muñwe kha Mudzimu u do kovhela na muñwe ngae na tsha u fhedzisela. Ee. Ndi tshithu tshithihi nga ha vhatu Vhapentekostala, vha do nekedza muñana wa hemmbe dzavho, u itela Ndihvo. Izwo ndi zwone. Ndi ngoho. Itsho ndi tshithu tshihulwane, tshinwe tsha zwithu zwihulwane ngavho. Ndi vhone vhañei vhahulusa shangoni, ngauri vha a ñivha uri hezwi zwithu zwa lifhasi a zwi ambi tshithu. Vha vhea lupfumo lwavho n̄ha ngei Tadulu, ngauri vha khou gonya n̄ha henengei liñwe la haya mađuvha.

⁹³ Huno ngauralo uyu musadzi, a ri, “Ndi do tou kovha mađi anga. Ri khou yo fa, ngauralo ndi do naledza tshinwiwa tshanga tsha mađi, huno a tshi ñea wa vhulenda wa kale o imaho heneñho, ngauri u vhonala e na ñora nahone o neta.” A ri, “Ndi do tshi disa.” Huno a thoma u tshimbila.

⁹⁴ Huno hafhu a pfa ipfi, li tshi ri, “Huno kha tshiñwe tshanda, na ni nga ngwanela tshiñwe tshinnkwa?” Yawee, nne nne! Zwino, zwino mini?

⁹⁵ Fulufhelo lawe la u fhedza la vhatshilo ha ñwana wawe. Fulufhelo la u fhedza le vha vha naño, nahone vhurotho ho vha hu tshi do fhela, mapfura o fhela, tshiñwe na tshiñwe tsho vha tshi tshi do vha tsho fhela zwino. Fhedzi a lavhelesa murahu, huno a kanuka. A ri, “Ndi tou vha na vhatshilo vhatshilo ho salaho khalini. Ndi tou vha na mapfura o edanaho e nda a shumisa, nahone ndo no suka, kana, u ñanganyisa. (Ndi na Ipfi huno Muya wo ñanganyiswa fhethu huthihi ngomu heneñho. Ndi na Tshifhambano hafha tsha u tshi vhea khatsho, u tshi ita uri tshi vhe khekhe u ñea Vhatshilo.)” Huno izwo ndi musi Muya na Ipfi zwi tshi vha fhethu huthihi, kha Tshifhambano, zwi ni itela lofo ya Vhatshilo. Izwo ndi zwone. “Huno ndi nazwo zwo

tantanyiswa, huno ndi khou ya zwino u zwi baka, huno nda nea mutukana wanga mułuku a faho ngomu heneffo, we a lila vhusiku hothe uri a le tshiñwe tshithu, ndi—ndi tea u mu nea tshone. Ndi khou yo naledza tshanga huno ndi—ndi khou yo tshi nea ene. Huno zwenezwo ndi do mu takula nga zwanda zwanga, huno rothe ri do lindela lufu.”

⁹⁶ A ri, “Fhedzi, nnyitele tshiñku, u thoma.” Naa izwo a zwi kanukisi uri munna u do vhudzisa musadzi wa tshilikadzi, a tshi khou fa, u itela zwiliwa zwa u fhedza zwe a vha a nazwo nduni, na nwana a faho? Mudzimu u ita zwithu nga ndila i kanukisaho nga maanda! A ri, “Nnyitele zwiñku, u thoma!”

⁹⁷ O guda, “Ni a divha, Bivhili i ri ro tantanedza vhatsinda. Ro tantanedza vhatsinda, vho vha vhe vharuñwa, ri sa ñivhi zwe ra vha ri tshi khou ita.” “Zwo luga,” a ri, “Ndi do zwi ita.”

⁹⁸ Huno musi a tshi rembuluwa, a ri, “Ngauri . . .” Yawee, nne. Heneffo ho vha hu hone, khuthadzo khulwanesa ye muñwe mutendi a vhuya a i thetshelesa, “Ngauri, A RALO MA AMBA MURENA!” Ilo ndi Ipfi le a vha o li lindela. “A RALO MA AMBA MURENA, ‘Khali a i nga dzuli i si na tshithu, nahone tshitemba tshi nga si do oma, u swika ñuvha line Mudzimu a rumela mvula kha lifhasi.’”

⁹⁹ Naa ri wana mini heneffo? Tsha u thoma ñodani Muvhuso wa Mudzimu, na u luga Hawe, zwiñwe zwithu zwe ñothe zwi do engedzwa. “Ndi ñivha hani, Mukomana Branham? Ndi zwi ñivha hani?” Tshithu tshi tshothe tshine nda divha, vheani Mudzimu u thoma huno ni bvele phanda. Tshithavhelo! Tanganyani mapfura, tantanyisani lone—lone Ipfi na wone Muya fhethu huthihi, ñivheeni inwi muñe kha Tshifhambano, huno ni ri, “Ndi fhano, Murena.” Vheani Mudzimu u thoma kha tshiñwe na tshiñwe!

¹⁰⁰ “Ngauri, A RALO MA AMBA MURENA, ‘Tshitemba tshi nga si xe, na khali i nga si do xa, u swika ñuvha line Murena Mudzimu a rumela mvula kha lifhasi.’” O zwi ñivha, zwenezwo, uyo o vha e muporofita wa Mudzimu a tshi khou amba nae. Oo, nga ndila ye mbilu yawe ya fanelu u vha yo fhufha! A gidimela ngomu huno a ita iyo khekhe ñukhu huno a i disa khae, na madzi, zwanda zwi tshi khou tetemela kha marama a kale o hovhamaho, huno o zwi ñivha uri Mudzimu o da u phulusa, kha tshipida tshiñku tsha vhurotho.

¹⁰¹ Oo, ni tou dzhia iyo pfulufhedziso ñukhu nthihi ya Mudzimu, na lugisa tshiñwe na tshiñwe, huno na bva ndilani, sedzani zwine zwa itea! Bvisani iyo mbilu . . . u sa tenda kule hazwo. Itonu dzhia ulwo lutendo lułuku lune na vha nalwo, huno ni lu vhee kha Tshifhambano, huno ni ri, “Izwi ndi zwe ñothe zwine nda vha nazwo, Murena. Li dzhie”; sedzani u rembuluwa, “A RALO MA AMBA MURENA.” Oo, U tou fana na ñamusi sa zwe A vha e zwone. Izwo ndi zwe a vha o zwi lindela.

¹⁰² Khamusi hu vhonala ho swifhala nga maanda zwino, fhedzi, ni a ñivha, tshiñwe tshifhinga ro funzwa (huno ndo rera nga hazwo vhuñwe vhusiku) zwo dzulela u swifhalesa phanda ha ñuvha. Ndi nga awara ya swiswisa ya vhusiku musi ñaledzi masase i tshi penya, i khou vhonadza u vhuya ha ñuvha.

¹⁰³ Ngei Germany vha na tshifanyiso, vha tshi vhidza “Gole” tshifanyiso. Ndi—ndi mbambedzo kha itshi tshifanyiso tshihulwane tsha u vhambiwa ngei...ngei Forest Lawn ngei Los Angeles (tshifanyiso tshihulwane tsho ḥandavhuwa sa itshi tshifhaṭo tsho budekanya, vho do tea u fhaṭa tshifhaṭo u mona na tshifanyiso; vhusiku hañu no zwi vhonala). Fhedzi hezwi ngei Germany zwi vhidzwa, “muruñwa . . .” kana, “Duvha la Gole,” ndi tenda uri zwi vhidzwa nga u ralo. Huno musi ni tshi tsa kha tshipida u bva khatsho huno na tshi sedza, oo, tshi vhonala tsho vhiñha, Zwi vhonala u nga makole o sinyuwaho a tshi khou tangana, nga u ralo, vhunga tshedza tshi tshi vhonadza khazwo. Huno zwi vhonala u nga makole a khou tshimbila, sa ndila ye tshifanyiso tsha itwa uri tshi vhonadze zwiedza, a tshi ita uri tshi vhonale sa gole, ñumbu lo sinyuwaho li tshi khou da u kherukanya tshinwe na tshiñwe. Huno zwenezwo ni a vhudzwa nga muendedzi, “Tshimbilani tsini, nahone ni dzulele u zwi sedza.” Huno musi ni tshi sendela tsini nazwo, a si makole, ndi phapha dza vharuñwa dzi tshi rwana, dzi tshi pembela. Ndi phaṭhutshedzo nga inwe ndila.

¹⁰⁴ Khamusi vhulwadze hañu madekwana a ñamusi, khamusi tshiñhavhelo tshañu u bva hafha, ho vha hu tshi tou vha phaṭhutshedzo nga iñwe ndila. Vharuñwa vha Mudzimu vha fhano, hanefha, u ḥanganyisa phapha dzavho fhetu huthihi huno vha takala, ngauri zwo ñwaliwa kha Luñwalo, uri, “Vharuñwa vha Tađulu vha pembela musi muitazwivihi muthihi a tshi rembuluwa.” Elekanyani nga ha izwo. Ngauri, A RALO MA AMBA MURENA, Yesu Kristo ndi a sa shanduki mulovha, ñamusi, na lini na lini. Tshilidzi tshawe tshi nga si kone u bviswa. Huno U a funa u ni nea tshiñwe na tshiñwe tshire mibilu dzanu dza tama.

¹⁰⁵ Zwino kha ri rabele lwa tshifhinganyana, musi ro kotamisa zwifhañuwo zwashu thabeloni. Huno ndi a fulufhela uri ni dzula kha kuhumbulele kwa thabelo. Naa hu na muñwe hafha zwino (maño añu o bonyiwa nahone ḥohoho dzanu dzo kwatama u yela buseni le na bviswa khalo; huno, arali Yesu a lenga, ni khou humela murahu buseni) huno a no ngo tshidzwa, naa ni do tou imisa tshanda tshanu zwingafho, huno na ri, “Mukomana Branham, vhütshilo hanga ho vha ha u ḥanganana, na nñe-vho, nahone a tho ngo tshidziwa. Nyelelweni thabeloni dzanu madekwana a ñamusi, Mukomana, ndi do imisa tshanda tshanga”? Naa uyo muthu u ngomu hafha, mutukana, musidzana, munna kana musadzi, a songo

tshidzwaho? A thi nga ni vhudzisi u ya phanda, u tou imisa tshanda tshañu zwino uri ndi kone u ni rabelela.

¹⁰⁶ Kha tsha u la tshanga, Mudzimu a ni fhaṭutshedze, Mudzimu a ni fhaṭutshedze, Mudzimu a ni fhaṭutshedze, na inwi, na inwi. Huñwe fhethu, murahu-rahu, huñwe fhethu hafha kha luvhande lwa vhukati, itanu imisa tshanda tshañu. A hu na we a lavhelesa, ntendeleni nñe na Muya Mukhethwa ri lavhelese hezwi. Zwino, Mudzimu a ni fhaṭutshedze, Mudzimu a ni fhaṭutshedze. Izwo ndi zwavhudı.

¹⁰⁷ Muñwe-vho kha dziphasedzhi dza vhukati, imisani tshanda tshañu, ni ri, "Mukomana Branham, a thi Mukriste. Ndo—ndo ṭungufhadza wone Muya Mukhethwa kule tshothe na nñe u swika A si tsha di dina nga nñe na luthihi. Fhedzi, zwa vhukuma, ndi a zwi divha uri ndo khakha. Ndi a zwi divha uri na khathihi a thi athu bebwa hafhu nga Muya Mukhethwa. Ndi a divha uri a—a tho ngo fanelwa. A thi na . . . A thi na zwithu zwanga zweithe zwe buliwa. A tho ngo swikelela ḥodea dzothe dza Mudzimu."

¹⁰⁸ Khamusi ni a lwala. A zwi nga farisi tshithu u swika ni tshi swikelela ḥodea dza Mudzimu. "Mukomana Branham, ndo bula Vhukriste lwa tshifhinga tshilapfu, fhedzi ngoho-ngoho ndo timatima phodzo ya Muya tshifhinga tshothe. Ndo—ndo tou mangala arali yuu Muya Mukhethwa wo vha u wone." Oo, khaladzi a funeaho, kana, mukomana a funeaho, ni nga si wane tshithu kha Mudzimu sa zwenezwo. Hai. Ni tea u swikelela ḥodea iñwe na inwe, huno zwenezwo ivhani na vhuñanzi ha uri no luga kha Mudzimu. Zwenezwo dzhiani pfulufhedziso Yawe huno ni i farelele.

¹⁰⁹ Kha tshamonde tshanga, naa hu do vha na muñwe nga hangei? Vhañwe vha vhoiñwi vhatu vhaswa murahu hafho, nga maanda, arali ni si Mukriste, imisani tshanda tshañu huno ni ri, "Nnyelelwe, Mukomana Branham." Mudzimu a ni fhaṭutshedze, ndi vhona zwanda zwanu, murahu-rahu, murahu-rahu, ndi a ni vhona, mufumakadzi; murahu hafha, ee. Ngei, ntha, ee, musidzana muñku. Iina, iina Murena a ni fhaṭutshedze tshifhinga tshothe heneffho. Izwo ndi zwavhudı.

¹¹⁰ Zwino, ndo ni fulufhedzisa nnnda hafha uri ndi zwenezwo fhedzi zwine nda do ni vhudzisa, u tou imisa zwanda zwanu. Zwino ri khou ya u rabela. Huno phanda ha musi ri tshi ita hezwi zwino (murahu ha musi ro no wana vhatazwivhi vho imisa zwanda zwavho, vhañwe vha fumbili kana furaru), ndi vhangana vha no khou lwala, vhane vha do imisa tshanda tshañu huno vha ri, "Nnyelelwe, Mukomana Branham, kha thabelo dzau, uri Mudzimu u do vha na khathutshelo kha nñe nahone a mphodza"? Ndi a humbulela uri hu na vha madana mavhili, kana vho engedzeaho, vhavho. Zwo luga.

Kha ri rabele.

¹¹¹ Khotsi ashu wa Ṭadulu, ndi zwa tshilidzi u da kha Iwe na idzi khumbelo. [A hu na tshithu kha theiphi—Mudz.] “...huno kha Nne, ndi Musiki wau.” Huno vha imisa tshanda tshavho, zwenezwo izwo zwi sumbedza uri Muya u muhulwane u fhira saints. Khotsi, Wo ri, “A hu na muthu aye a nga da kha Nne, nn̄dani ha musi Khotsi Anga vho mu kokodza u thoma. Huno vhothe vhane vha da kha Nne, ndi do vha neya Vhutshilo ha lini na lini.” Zwino ndi vhone Vhau, Murena. Vha nee Vhutshilo, zwa zwino, he vha dzula zwidzuloni zwavho. Ngavhe vha tshi vha na Vhutshilo Vhu Sa Fheli. Ngavhe U tshi vha vusa nga duvha la u fhedza, vha nekedze kha Khotsi Mudzimu wa Ṭadulu sa dzuwele khare ya Tshivhidzo. Zwi tendele, Khotsi.

¹¹² Ndi rabelela avha vha no khou lwala na u ḥuphea. Vhunzhi ha zwanda zwavho two ya n̄tha madekwana a namusi, ngauri vho vhona uri musadzi we a ḥoda Mudzimu zwa vhukuma; o vhona awara idzo dza ndeme ḫzi tshi da. A hu na u timatima uri hu na vhanzhi vho dzulaho hafha nga iyo ndila nthihi, vhane vha fanela u fa, fhedzi Mudzimu o no laela vhaporofita Vhawe, na tshiñwe na tshiñwe tsho luga. Zwi do shuma zwavhudi. Arali vha na vhuñanzi uri tshiñwe na tshiñwe tsho luga, zwenezwo vha na vhuñanzi nga Mudzimu. Vha na vhuñanzi uri U vhulunga pfulufhedziso Yawe. Zwenezwo, Khotsi, ri rabela uri U shumane navho madekwana a namusi, sa vha funaho vhau, vhana vha lwalaho; huno vha do fhodza mat̄hupho avho, nahone vha nea maanda na tshilidzi na lutendo. Ita, Khotsi.

¹¹³ Fhaṭutshedza vhashumeli vhothe vha re fhano madekwana a namusi, vhaporofita vhañu vhavhuq. Ri rabela uri u vha dolise, Murena, huno ngavhe vha tshi vha vhone vhane vha do fhaṭutshedza haya ha havha vhathe, uri hu do vha na Tshinnkwa tsha Vhutshilo mahayani avho samusi vha tshi khou tshila. Ngavhe tshitemba tshavho tshi sa fheli na khathihi, kana khali i si na tshithu. Ngavhe hu tshi vha na tshinnkwa tsha tshimuya tshivhidzoni tshiñwe na tshiñwe kha ili shango, Murena, vhane vha do kanzwa ndala ine ya vha na ḥodea. Zwi tendele, Murena.

¹¹⁴ Ri a U funa. Huno ri a zwi dihva uri Wo ri funa u thoma, ngauri musi ro vha ri tshi kha di vha vhatazwivhi, Kristo o ri fela, ene A si na mulandu a tshi itela vha na mulandu, u vha tshipfumelelo tsha zwivi zwashu, uri pfumedzanya murahu na Mudzimu; musi ro xela nahone ri songo fhelela, ri si na Mudzimu kana Murwa Wawe, u bva ngadeni ya Edeni, u bva kha vhatshinyi ha vhokhotsi ashu ho ri disa ngomu ha ndado ya tshivhi. Huno Yesu o ri funa nga maanda uri O da nga lufuno lwa Mudzimu huno a ri regululela murahu kha Mudzimu, nga kha u netshedzwa ha vhatshilo Hawe ene muñe ngei Khalivari. Ndi a U livhuwa, Khotsi, nga vhuvhuya Hau hothe.

¹¹⁵ Ri khou tshila mirunzini ya tshifhinga tsha vhufhelo. Hu nga di vha hu si na vhusiku ha matshelo. A thi dihvi, Murena, izwo zwi kha Iwe. Fhedzi musi zwi tshi kha di konadzea uri vhañwe

vha kone u dzhena ngomu madekwana a ḥamusī, Khotsi, ndi rabela uri U rumele Muya Mukhethwa.

¹¹⁶ Wo ri, “Sa zwe zwa vha zwi zwone mađuvhani a Sodoma, zwi ḥo ralo kha u ḫa ha Murwa-muthu.” Mađuvhani a Sodoma, vho vha vhe na kilasi tharu dza vhathu: muitazwivhi, murađo wa tshivhidzo a dudelaho, na Vhanangwa (vho vhidzelwaho nn̄da); Vhasodomī, na Vholoto, na Vhoabrahamu (vho vhidzelwaho nn̄da ha shango). Vhasodomī vho ṭanganedza vhashumeli vhavhili vhe na mulaedza muhulwane. Huno tshigwada tsha Abrahamu tsho ṭanganedza tshiga, huno tshiga ho vha hu Munna a re na buse kha zwiambaro Zwawe, we a ḫivha Abrahamu, e mutsinda; o ḫivha mufumakadzi wawe, Sara, zwe dzina ḥawē la vha li zwone; huno, a vhudza Abrahamu, muṭana Wawe wo furalela dennde he Sarah a vha e hone, “Ndi ngani o sea?” O Mudzimu, ngavhe tshivhidzo tshi tshi vuwa huno tsha vhona! Vhunga Yesu o amba, “Sa zwe zwa vha zwi zwone mađuvhani a Sodoma, zwi ḥo ralo kha u ḫa ha Murwa-muthu.” Onoyo Mudzimu muthihi u ḥo bvelela ḥamani ya Tshivhidzo Tshawe, huno a sumbedza tshiga tshenetsho tshithihi. Zwi tendele, Murena, hafhu madekwana a ḥamusī. Ri humbelā nga Dzina la Yesu. Amen.

Ndi a Mu funa, ndi a Mu funa

Zwino itanu Mu losha zwavhuđi kha Muya.

Ngauri O funa nne u thoma
Huno o renga tshidzo yanga
Murini wa Khalīvari.

¹¹⁷ Oo, nga murahu ha mulaedza, a ni pfi no huṭiwa tshoṭhe? Muya Mukhethwa fhedzi u tshi khou tou kunakisa mbilu yañu kha u sa tenda hoṭhe, u tshi ni humisela murahu heneffho vhuṭalani na Mudzimu hafhu. Oo, zwino ndi tshifhinga tsha u Mu losha. Mulaedza wo fhela, ngauralo kha ri tou Mu losha hafhu kha holwu luimbo, musi ri tshi imba *Ndi a Mu Funa*. Muñwe na muñwe, nga u tou dzika nahone zwavhuđi zwino. Valani maṭo aňu huno ni tou sedza nga maṭo aňu a tshimuya Khae, vhonani zwe A itela iyo tshilikadzi. Ni a funea Khae sa iyo tshilikadzi, O vhulunga vhuṭshilo haňu, nae-vho. Naa a ni Mu funi?

Ndi a Mu funa, ndi a Mu funa
Ngauri O funa nne u thoma
Huno o renga tshidzo yanga
Murini wa Khalīvari.

Ñanga khulu zwino i tsini,
Yesu a pfelaho vhuṭungu;
U amba mbilu yo kwashekanaho,
A hu na liňwe dzina nga nn̄da ha Yesu.

Noti i difhesaho kha luimbo lwa vharuňwa,
 Dzina li difhesaho kha lulimi lu faho,
 Luimbo lu difhesaho lwe lwa vhuya lwa
 imbiwa,
 Oo, Yesu, Yesu wavhuđi.

¹¹⁸ Musi a tshi khou lidza kha ogeni, nga ndila yo dzikaho. [Mukomana Brantham u nuňuna *Nanga Khulwane*—Mudz.] Musi ndi tshi pfa ulwo luimbo, lu disa tshithu tshithihi kha nne. Tshiňwe tshifhinga tsho fhiraho ngei Ft. Wayne, Indiana, ho vha hu na musidzanyana wa Dunkard o dzulaho, a tshi khou lidza piano. O vha a si wa Pentekostala, fhedzi o vha e na mavhudzi malapfu o nakaho o itwaho nga murahu. Huno ri tshi tenda nga mbilu dzashu dzothe uri U do fhindula thabelo yashu nahone vha do fhodzwa. Huno nda takula mutukana mučuku zwandani zwa khaladzi, nahone nda fara mutukana mučuku, huno nda ri, “Ngoho, Nanga khulwane i fhano, i divha zwiphiri zwa mbilu dzothe.”

Huno nda ri, “Ni a zwi tenda izwo?” kha vhathetshelesi vha vhathe vha zwigidi zwo vhalaho.

¹¹⁹ “Ee,” vhothe vho zwi tenda. Fhedzi vho vha vha tshi nga vho farelela murahu, ho vha hu vhusiku ha u thoma ha mučangano, huno vho vha vhe... Mulaedza wo vha u tshi vha kondela u pfesesa.

¹²⁰ Huno nda ri, “Naa ni a tenda uri Murena Yesu a nga mmbudza uri uyu mutukana mučuku ndi nnyi, na uri dzina lawe ndi lifhio? Naa ni do tenda? Naa uyo u do vha onoyo Muruňwa muthihi we a tangana na Abrahamu, we a divha zwe Sara... Naa zwi do vha onoyo Yesu muthihi we a divha Nathaniele musi a tshi da, we a divha Petro nahone a mu vhidza nga dzina, o vhudza musadzi tshisimani, na izwi zwithu zwe? Naa uyo u do vha onoyo Yesu muthihi?” Vhothe vha imisa zwanda zwavho, vho elekanya uri zwi do ralo.

¹²¹ Huno Muya Mukhethwa wa thoma u dzumbulula hezwi. Huno, musi O ita, mutukanyana a fhufha kha zwanda zwanga, a gidimela fhasi huno a fhufha kha pulatifomo. Mme vha noka tshiduloni vho dzula henehfo phanda ha mutukanyana. Huno mutukanyana a tshi khou gidima nt̄ha na fhasi. Musidzana wa Muamish, kana Dunkard o vha e ene, a tshi khou lidza piano, huno a tswukuluwa, a fhufhela vhukati ha—ha mučangano, huno mavhudzi awe a humela murahu. O vha o ambara rokho tshena. O vhonala a tshi nga muruňwa. Huno u thoma u imba izwo nga ndimi dici sa divheyi. Huno, musi o ita, piano na khathihi a yo ngo humpa na notsi, i tshi khou tambo:

Nanga khulu zwino i tsini,
 Yesu a pfelaho vhučungu;
 U amba mbilu dzo netaho dza tučuwedzea,
 A hu na linwe dzina nga nn̄da ha Yesu.

¹²² Vhatu vho fhufha fhasi u mona na alitari, huno vha tshi khou tswimila nahone vha tshi khou wela dziphasedzhini, huno vha tshi khou zhamba “Mudzimu nkhathutshele!” Oo, ho vha hu muṭangano-đe nandi!

¹²³ Iyo Nanga khulwane i kha di vha fhano. Ha athu kundelwa. Na khathihi a nga si kundelwe. Zwino, ndi vhangana ngomu afha vhane vha tenda izwo, nga vhungoho, nga mbilu yanu yothe, huno ni fhano madekwana a ɣamusi na ndavhelelo dza u fhodzwa ha maanda a Mudzimu?

¹²⁴ Arali hu na muñwe muthu ngomu tshifhaṭoni ane nda mu ḥivha, nn̄da ha havha, havha vhatukana vho dzulaho hafha, vhararu vhavho vhe nda amba navho liñwe duvha nga ha muvhudzisano, u bva Arkansas; Mukomana Pat Tyler, ane a vha livemu lo shandukiswaho; Mukomana Williams o dzula heneffho; huno u ya nga hune nda kona...na Mukomana Gene Goad, khonani yanga, o dzulaho heneffha. Huno ndi a humbulela uri ndi vhenevho fhedzi vahne nda vha vhona ngomu tshifhaṭoni vhane nda vha ḥivha nga tshino tshifhinga, fhedzi nga heyi ndila ndi ḥivha havha vhatu vho dzulaho hafha.

¹²⁵ Zwino, ndo ima na Korani nga tshanda tshithihi, huno Bivhili kha tshiñwe, phanda ha vha zwigidi zwa ɣana, huno a ri “iñwe i tea u vha yo lugaho, huno iñwe yo khákhea.” Huno vhurereli ha Tshikriste ndi hone hu hothe vhukati ha vhurereli hothe; huno Mafhungo-mađifha o Ʉalaho ndi tshone tshigwada tshi re vhukati havho tshire tshi nga sumbedza uri Yesu Kristo u kha di tshila. Vhañwe vhothe vha na theolodzhi, huno vha do ni vhudza nga hazwo, “Ri tou vha na saikholodzhi nnzhi.” Vhamuhamede vha ri, “Ri tou vha na saikholodzhi nnzhi. Ri nga huwelela n̄thesa kha muporofita washu u ya nga hune na kona kha Yesu wanu. Fhedzi muporofita washu ho ngo vhuya a ri fulufhedzisa tshithu. Yesu Wau o u fulufhedzisa uri U do vuwa vhafuni, na zwithu zwe A ita ni do zwi ita-vho ngauri U do tshila kha inwi. Zwino ni ri muporofita washu o fa, nn̄da heneffho tshaloni, huno ni na Yesu o vuwaho. Kha ri Mu vhone a tshi shuma.” Vha do vheya...ni so ngo ralo...

¹²⁶ Ni nga tamba u mona hafha na vhañwe vha havha vhorathiolodzhi, nga ha mañwe maipfi a Tshigerika kana tshiñwe tshithu tshire nothe na dada ngatsho, fhedzi ni songo lingedza u zwi Ʉisa kha ṭano na vhañwe vha avho vhatu. Ndi khwine ni tshi vha na zwine na khou amba nga hazwo. Huno ndi khwine ni tshi zwi ḥivha. Ndi ngazwo zwi tshi kondā u wana vhafunziruñwa hangei. Vha a ḥivha zwine vha khou amba nga hazwo. Huno ndi khwine ni tshi ḥivha, ngauri vha khou yo vhidza tshanda tshañu khazwo.

¹²⁷ Fhedzi ndi a livhuwa nga maanda madekwana a ɣamusi, u ḥivha, dzikhonani, uri Yesu washu (na pfulufhedziso iñwe na iñwe ye A ita) ndi Ngoho. Arali ndi tshi nga fhodza muñwe

na muñwe hafha, ndo vha ndi tshi do zwi ita; arali nda sa zwi ite, ndo vha ndi tshi do vha muñhoi. Fhedzi a thi koni. Fhedzi Mudzimu o ñea tshifhiwa kha tshivhidzo, tshe A tshi fulufhedzisa.

¹²⁸ Uri nga mađuvha a Luther, ro tshila nga u itwa vho lugaho. Nga mađuvha a Wesley, ro tshila nga u itwa mukhethwa, tshivhidzo tsho vha tshi na tshivhalo. Mađuvhani a Pentekoste, ro tshila fhasi nga kha Ndovhedzo ya Muya Mukhethwa na mbuyedzedzo ya dzimpho. Zwino zwa vhukuma ri kha vha si gathi, u ða ha Murwa wa Mudzimu. *Hafha* vho tenda nga lutendo; *hafha* vha ṭavha mukosi fhasi ha u khethefhadzwa; *hafha* vho amba nga dzindimi sa tshifhiwa; fhedzi *zwino* negethivi na phosethivi, huno kha—kha phiramidi i khou ða, nahone ndi tshifhinga tsha vhufhelo, musi Kristo na tshivhidzo Tshawe vha tshi fana nga maanda u swika vha tshi do vhidza vhafu kha Mumethodisi, Muļutere, na avho vhothe murahu henefho, huno hu do vha na muvwo. Avho vhe vha edela mathomoni, tsha vhuvhili, tsha vhuraru, tsha vhuna, tsha vhutanu, tsha vhurathi, na tshikhathi tsha vhusumbe, u ðo vuwa liñwe la haya mađuvha, u ṭangana na Yesu lutomboni. Awara yo swika, dzikhonani, U ða ha Murena ho sendela.

¹²⁹ Ri sedza Yerusalem huno ra vhona uri Vhayuda vho pofudzelwa u itelwa riñe. Muhuyu u khou ṭuma lurere lwawo. A ri, “Huno miñwe miri.” Billy Graham o vhanga yone—yone mvuseledzo vhukati ha vhathe zwavho. Oral Roberts o vhanga mvuseledzo vhukati ha Vhapentekostaña. Huno zwino Yesu, Murwa wa Mudzimu, o ða kha haya masalela, u kokodzela vhathe u itela Tombo la tshiluludza, u vhuisa murahu Murwa wa Mudzimu, u khunyeledza tshithu tsha u ða ha Murena Yesu. A ri, “Sa zwe zwa vha zwi zwone mađuvhani a Sodoma, zwi ðo ralo kha u ða ha Murwa-muthu.”

¹³⁰ Ndi ðo rembulusa muñana wanga kha inwi, hu si uri ni kone u vhona. Zwino, elelwani, ho vha hu si munna. Ene munna we a vha o dzula hafha o vha a tshi tou vha Calcium, phothashi, na petroliamu, elemente dza fumirathi dza shango le Mudzimu a ya khalo, “Phew!” a thuthubisela fhethu huthihi huno a dzhena ngomu hayo nahone a vha a tshi khou tshila.

¹³¹ Yesu Kristo o vha e zwenezwo zwithihi. O vha e Murwa wa Mudzimu. O vha e Mudzimu o vhonadzwaho ñamani, fhedzi nama yawe yo vha i muthu, Muya Wawe wo vha u Mudzimu. Zwenezwo O fulufhedzisa mađuvhani a u fhedzisela uri U ðo ða ngomu ha Tshivhidzo Tshawe. “Hu si kale shango a li tsha ðo Mmbona; fhedzi vhoinwi ni ðo Mmbona, ngauri Ndi ðo vha na vhoinwi, na kha vhoinwi. Mishumo ine Nda ita na inwi ni ðo ita-vho.” Ni a vhona? Zwino iyo Ñanga khulwane i fhano.

¹³² O amba, zwino, “Tshiga tsha Sodoma na Gomora.” Zwino, naa ndi mini? Sedzani mabammbiri ashu, “Vhafunani vha mbeu

nthihi, u shandea, hu kha muengedzo wa phesente dza fuiña u fhira miñwaha ya fumi yo fhiraho.” Midzinginyo mafhethu o fhambanaho, tshaka dzoþhe dza zwiga zwa u Da. Tshivhidzo tshi khou wa, tshifhinga tsha vhufhelo hafha.

¹³³ Zwino Mudzimu u khou sumbedza zwiga Zwawe, nae-vho, vhunga ro vha ri tshi khou rera ngazwo. Zwino, arali iyi Bivhili i ngoho, ine ya vha Yone, ndo diimisela u fela iyo ndivho. Bivhili ndi ngoho. Yesu Kristo u a tshila. Ri Tshivhidzo Tshawe, tsho dadzwaho nga Muya Wawe, zwenezwo Vhutshilo Hawe kha riñe vhu do bveledza Vhutshilo honoho vhuthihi he A tshila khaho kha Murwa wa Mudzimu, arali Muya Mukhethwa—Muya Mukhethwa wa Mudzimu u tshi tshila kha riñe.

¹³⁴ Ngauri vhugala ha Mudzimu na u itela tshivhidzo, na u itela vhulwadze hanu, vhoiñwi ni no khou lwala na u þuphea, a kwama lupendelo lwa tshiambaro Tshawe huno a vhona arali ni tshi nga Mu vhangela uri a ambe nga nñe, sa mulanda Wawe, a ni vhidza vhunga O ita musadzi we a kwama tshiambaro Tshawe. Ngavhe Murena a tshi zwi tendela. Naa zwi do ni ita uri ni tende zwihiwlwane, huno na þanganedza phodzo yanu? Ndi vhangana vhane vha tenda uri vha nga þanganedza phodzo yavho arali Mudzimu a ni vhidza nga u ralo, kana u Mu vhona a tshi vhidzelela? Imisani tshanda tshanu. Murena zwi tendele.

Dzulelani u ita uri iyo *Nanga Khulwane* i tambe, ni do ralo? Ndi pfa ndo rangwa phanda u zwi ita.

¹³⁵ Ndi khou yo rembulutshela kha khonani dzanga hafha madekwana a ñamusi hafhu, u tou ni sedza. Vhakomana, a thi khou lingedza...kha vhoiñwi...thanzi yanga ya Mudzimu, Mukomana David. Vhunga ndo zwi ita khagala lwo edanaho kha vhathu, uri, a si nñe. A thi na mushumo nazwo. Ndi tou vha... Mudzimu o do tea u shumisa muñwe. U khou...Huno a hu na zwanda zwo fanelaho, fhedzi Mudzimu u zwi ita uri zwi fanele. Ni a vhona, U—U—U nanga shango li sa athu tehwa, Ndivho yawe ya u itwa, huno zwi tea u itwa, zwi tea u vuledzwa.

¹³⁶ Tshivhidzo tshi khou ya u vha heneffo, tshi si na tshilavhi kana dondo. Tshilidzi tsha Mudzimu tshi do ita hezwo. Zwi do tea u ralo, zwi do dzhia tshilidzi. Vhunga O amba na Abrahamu, musi Sara a tshi Mu timatima. Zwo luga, heneffo O vha a tshi do vhulaya; O vha a tshi do vhulaya Sara zwenezwo nga u timatima, ngauri itsho ndi tshivhi tsho vhifhesaho tshi re hone, ndi u sa tenda, nahone tshivhi fhedzi. Huno a timatima nahone a sea ngomu hawe musi Muruñwa o mu þalukanya nga kha dennde. Naa izwo ndi zwone? Fhedzi ndi ngani A songo dzhia Sarah? Ngauri o vha e tshipida tsha Abrahamu, O do tea u dzhia Abrahamu, na ene-vho. Huno ri tshipida tsha Yesu musi ri kha Muvhili wa Kristo. Huno u sa tenda hashu hu ya hangwelwa arali ri tshi hu iya nga u sa ðivha vhunga o ita, ngauri o vha a tshi ofha.

¹³⁷ Naa ni a tenda uri tshinwe tshithu tshi khou bvelela kha pulatifomo? Oo, ndi tama ndo vha ndi tshi nga kona u ṭalutshedza izwi. Ndi tea u rembuluwa. Ndi vhona musadzi a na mbonalo ya lukanda, no Mu kwama. I do ni ṭutshela, ngauri ndi Tshedza tshoṭhe u mona na inwi. “Arali iwe wa nga tenda, zwithu zwoṭhe zwi a konadzea.” Zwino tendani.

¹³⁸ Ngauralo ni do vhona uri a si saikholodzhi, u vhala muhumbulo wanu, ndi do humisela murahu kha inwi. Mini-ha nga ha *iyi* khethekanyo? Izwi two itwa luthihi kha Thembele ya Angeles, khaladzi. Mukomana David, ni a elelwa. Zwino ndi tou vha...uri ni vhone, ndi khou amba na vhoiñwi, izwo zwi sumbedza uri a thi na vhukwamani na vhathe heneffo. Ngoho inwi—inwi ni re fhasi ha...ndi a divha uri ni a pfesesa. Ni a vhona? Fhedzi ndi khou humber tshilidzi tsha Mudzimu u ita tshinwe tshithu tshine vhathe vha nga divha.

¹³⁹ Ee, ndi vhona muthu muswa, musidzana muswa. U bva kule na hafha, ha bvi kha lino shango. U bva shangoni li re na mvula huno li na miri minzhi na dali, u bva ngei Oregon. U na tshifakhole. Ú a dzula heneffo nn̄da. Naa ni a tenda uri Yesu Kristo u do ni nea mutakalo? Naa ni a mu ṭanganedza u itela ene? Takuwani, khaladzi. Iyani hayani, huno ndi kaidza diabolo. Naa ni a tenda nga mbilu yanu yoṭhe? Zwo luga.

¹⁴⁰ Kha phasedzhi ya vhukati hafha, muñwe u na lutendo. Ni songo timatima. Ndi do amba na inwi, Mukomana Schultz, u itela uri ni kone u vhona zwauri ndi khou amba na inwi. Ndi khou tendela muñwe muthu hafho... A hu na garaṭa dza thabelo ngauralo zwi tou—zwi tou leluwa zwenezwo, hu si u disa muñwe n̄tha, fhedzi uri vha kone u vhona.

¹⁴¹ Ee, hu na musadzi a no nga musekene, u na pfuko. O vha o tea u ya sibadela ñamusi. O dzula phanda hafha, a tshi nga musadzi muñku. Dzina lawe ndi Mufumakadzana Peterson. Ni a vhona? Zwo luga, mufumakadzi, ivhani na lutendo kha Mudzimu. Nhavhe ene Mudzimu wa Tađulu a tshi vhulaya uyo diabolo u swika a si tsha do vhoniwa nga muthu. Naa ni a tenda kha Murwa wa Mudzimu? Naa ni a Mu tenda nga mbilu yanu yoṭhe? Itonu vha na lutendo Khae, ndi zwenezwo fhedzi zwiñe na tea u ita. Zwo luga.

¹⁴² Noṭhe no lugela u tenda nga hangeno kha *iyi* ndila? I ri ni ndi ambe na uyu mushumeli hafha. Naa ni a tenda nga mbilu yanu yoṭhe? Ndi a kholwa muñwe nga hafho u ya ralo, nae-vho. Uh-hum. Uri ni kone u divha uri ndi khou amba na inwi. Fhedzi vhonani maanda a Mudzimu a tsira zwithu zwoṭhe zwa muhumbulo, a dzhena ngomu tuyani wa fhethu...fhethu ha maya.

¹⁴³ Ee, murahu hanga ndi mu—musadzi, huno ha divhi uri thaidzo ndi mini ngae. Ndi ene...Oo, uyo musadzi a ṭungufhadzaho! O vha e na muthihi, vhavhili, vhararu, vhañ,

miaro miyanu. A vha divhi zwine zwa vha zwone. Madokotela ha divhi uri ndi mini. O rumelwa fhano Arizona u itela vhañwe vhothe. U bva Louisiana, dzina lawe ndi Vho-Mme. Pearson. Zwo luga, Vho-Mme. Pearson, huñwe fhethu murahu hanga, vha takuwa, vha ntsedza. Naa ni a ntenda uri ndi muporofita wa Mudzimu? A thi ni divhi. Arali izwo zwi zwone, dzungudzani tshanda tshañu. Ri—ri vhatsinda. Zwe zwa ambiwa ndi ngoho. Naa izwo ndi zwone? Madokotela ha divhi uri thaidzo ndi mini nga inwi. Ndi tsinga dzañu. Dzikani vhukuma, ivhani na lutendo, huno ni do ya hayani no fhola. Ivhani na lutendo kha Mudzimu! Naa ni a tenda uri Murwa wa Mudzimu o vuwa hafhu?

¹⁴⁴ Zwino, mini-ha nga muñwe muthu kha *iyi* khethekanyo? Nothe no lugela u tenda ngeno murahu? Pat, naa no takala uri ni Mukriste? Naa a si zwavhuđi u bva kha vhutshilo he na vha ni tshi khou tshila, huno na vha Mukriste?

¹⁴⁵ Ngoyu mufumakadzi. Ndi musadzi, munna, na ñwana. Mufumakadzi u khou kwama Mudzimu. U murahu hanga. Huno u na luñwe lushaka lwa vhuleme ha thumbuni, huno u—u na u shaya nungo ngavhuja. Ha bvi fhano, nae-vho, u bva shangoni li no nga la sogani, fhedzi u bva ngei Kansas. Munna wawe ndi mushumeli. Uyo ndi ene o dzulaho henehafho. A thi ni divhi. Arali izwo zwi zwone, mufumakadzi, dzungudzani zwanda zwañu nga ndila *iyi*. Zwo luga, mune wanga. Zwo luga, iyani hayani, tendani kha Murena Yesu Kristo huno ni wane mutakalo. Naa ni a tenda kha Murena?

¹⁴⁶ Hothe u mona na tshifhaço zwino, naa ni a tenda kha Murena? Ngoho, U fhano! Yesu Kristo, a sa shanduki mulovha, ñamusi, na lini na lini. Mudzimu onoyo muthihi we a kona u sumbedza Eliya he uyo musadzi wa tshilikadzi a vha e hone. Mudzimu onoyo muthihi a nga ntsumbedza hune na vha hone, no dzula, ni tshi khou rabela, ngauri ndi Muya wa Yesu Kristo, a sa shanduki mulovha, ñamusi, na lini na lini. Naa ni a zwi tenda? Irani muthu muñwe na muñwe hafha ni vheane zwanda nga tshañu musi ndi tshi ni rabelela nga u nga redza hafha, huno na tenda, uri ni do divha zwauri ni na tshiñwe tshithu ngomu hazwo, muñwe na muñwe wanu. Ni vhatendi, a no ngo ralo? Arali ni tshi ralo, i ri ni “Amen.” [Tshivhidzo tshi ri, “Amen.”—Mudz.] Vhuhoneni ha Mudzimu, nga tsumbedzo i sa kundelwi ya mvuwo ya Yesu Kristo, vheanani zwanda zwañu nga tshañu huno ni rabelelane.

¹⁴⁷ Khotsi ashu wa Tađulu, ndi a U nea avha vhathetshelesi vho lindelaho. Ngavhe avha vhathu vhothe vho shandukaho zwivhi zwavho vha tshi wana tshivhidzo tshavhuđi hayani. Ngavhe avho, Murena, vha no khou lwala vha tshi fhodzwa. Ngavhe maanda a Sañhane a tshi vunđekanywa, kha matshilo avho zwa zwino, musi ndi tshi kaidza diabolo huno nda humbeliuri Maanda a Yesu Kristo a de kha avha vhathetshelesi nahone a dzhie vhulwadze vhuñwe na vhuñwe, vhulwadze vhuñwe

na vhuňwe, maňhupho maňwe na maňwe, u timatima huňwe na huňwe. Vha bvise khavho, Murena, huno u vha fhodze. Nga Dzina ja Yesu Kristo, Murwa wa Mudzimu, ndi a zwi humbela.



ELIYA NA MUSUMO WA VHUKHOPFU TSV60-0310
(Elijah And The Meal-Offering)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Ləvhuṇa, Thafamuhwe 10, 1960, ngei Madison Square Garden fhaļa Phoenix, Arizona, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org